

傷

寒

六

書

傷寒證脈藥截江綱卷之五

餘杭節菴陶華述

新安吳中行校

傷寒

傷寒之病非比雜科乃大方脈之首務也其間脈理精深良震無常死生反掌其所難明苟或有稱治傷寒者未免羊質虎皮然則名譽虛隆而實德則病矣余早年盲學昏昏如蠅觸牖後得漢長沙張仲景先師治法所得石函遺著名曰遺芳嘉秘玩而誦之以

開茅塞手足舞蹈不自知也數試數驗豈不珍重哉  
第恐吾老子亦猶前之昏學臨病無措故將遺旨應  
手得心訣法纂以成集名曰傷寒證脉藥截江網存  
與朝夕備覽以看省已之愚原夫傷寒之脉浮大動  
數滑爲陽沉澁弱弦微爲陰其弦緊浮滑沉澁六者  
爲殘賊之脉故諸脉作病春弦夏洪秋毛冬石土緩  
爲四季之正脉浮沉遲數爲客主左爲人迎右爲氣  
口呼出心肺爲陽吸入腎肝爲陰一呼一吸爲一息  
寸口爲陽尺澤爲陰中爲關界陽主氣陰主血血爲  
榮氣爲衛寒則傷榮風則傷衛理自然也所謂傷寒

之病從淺入深先以皮膚肌肉次入筋骨腸胃專以  
浮中沉遲數辨其陰陽寒熱及表裏虛實而斷之矣  
諸浮爲在表輕手于皮膚之上便得之曰浮略重指  
于皮膚之下肌肉之上陰陽各半得之曰中証屬半  
表半裏諸沉爲在裏重手于肌肉之下筋骨之間方  
得之曰沉屬陰諸遲爲在臟屬寒諸數爲在腑屬熱  
陰陽寒熱虛實用在有力無力中分有力者爲陽爲  
熱爲實無力者爲陰爲寒爲虛雜病以弦爲陽傷寒  
以弦爲陰雜病以緩爲弱傷寒以緩爲和傷寒以大  
爲病進以緩爲邪退緩爲胃脉有胃氣曰生無胃氣

曰死傷寒病中有神脉如脉中有力即為有神神者  
 氣血之先也兩手無脉曰雙伏一手無脉曰單伏必  
 有正汗也寸口陽脉中或見沉細者但無力者為陽  
 中伏陰尺部陰脉中或見沉數者為陰中伏陽寸口  
 數大有力為重陽尺部微而無力為重陰寸口細微  
 如絲為脫陽尺部細微無力為脫陰寸脉浮而有力  
 主寒邪表實宜汗浮而無力主風邪表虛宜實尺脉  
 沉而有力主陽邪在裏為實宜下無力主陰邪在裏  
 為虛宜溫寸脉弱而無力切忌發吐尺脉弱而無力  
 切忌汗下初按來疾去遲名曰內虛外實去疾來遲

名曰內實外虛尺寸俱同名曰緩緩者和而生也死  
下後脉靜者生躁亂身熱者死乃邪氣勝也濕之後  
脉來歇止者正氣脫而不復生也純弦之脉者曰有  
者死按之解索名曰陰陽離離者死陰病見陽脉  
者生陽病見陰脉者死

傷寒標本論治

病之有標本猶草之有根苗拔茅須連其茹治病必  
求其本標本不明處方何據所謂瞑目夜行無途路  
而可見矣原夫六氣爲本三陰三陽經爲標病氣爲  
本臟腑經絡受病爲標先受病爲本後受病爲標且

如尺寸俱浮者太陽受病也其經標本膀胱小腸也  
膀胱寒水爲本其脉循脊上連風府故頭疼脊強小  
腸爲標主發熱其正冬月時在本者麻黃湯在標者  
桂枝湯餘月改用冲和湯也尺寸俱長者陽明受病  
也其經標本大腸與胃也大腸爲標燥金爲本大腸  
與肺爲表裏但發熱解肌湯本脉絡鼻循口故目痛  
鼻乾不眠虛則汗解實則大柴胡承氣選用尺寸俱  
弦者少陽受病也其經標本三焦與膽也三焦相火  
本也遊行乎一身故微熱足膽標也其脉循脇絡耳  
故耳聾脇痛寒熱嘔而口苦緣膽無出入之路故從

治証用小柴胡和解散而愈其經有二禁汗下吐  
是也尺寸俱沉者太陰受病也其經標本肺與脾也  
肺標脉循咽脾本濕土故腹滿咽乾當得本治宜泄  
大柴胡承氣也尺寸俱微沉者少陰受病也其經標  
本心與腎君火爲本心苗舌故舌燥標腎脉循膈主  
口乾故口乾舌燥故在標者因身冷治主姜附也在  
本者宜下三乙承氣看微甚而用之尺寸俱微緩厥  
陰受病也其經標本肝與心包絡也風水爲本下循  
陰器故囊縮標心包絡繫舌故舌卷大抵溫之四逆  
輩其四經并前三經中若有陽分傳來者平之庶不



誤也

論傷寒正治逆治反攻寒熱辨

寒熱真假不可不知正治逆治豈可不辨假如熱病服寒藥熱不退後用熱藥而熱方退假如寒病服熱藥而寒不退後用寒藥而寒方退者此爲從治也從治者反攻也治熱病以寒藥而愈治寒病以熱藥而愈者逆治也逆治者正治也且反攻之法入亦難曉者多如寒病服寒藥而愈者此陽極變陰熱極反得水化也熱病服熱藥而愈者此陰極變陽寒極反得火化也蓋物極則反也

論傷寒用藥法則

標本逆從之既明五劑之藥須用識且如表汗用麻  
黃無葱白不發吐痰用瓜蒂無豆豉不湧去實熱用  
大黃無枳實不通溫經用附子無乾姜不熱甚則以  
溫清水加葱白煎之竹瀝無姜汁不能行經絡蜜導  
無皂角不能通秘結非半夏姜汁不能止嘔吐非人  
參竹葉不能止虛煩非小柴胡不能和解表裏非五  
苓散不能通利小便非天花粉乾葛不能消渴解肌  
非人參麥門冬五味不能生脉補元非犀角地黃不  
能止上焦之吐衄非桃仁承氣不能破下焦之瘀血

非黃芪桂枝不能實表問虛汗非茯苓白朮不能去  
濕助脾非茵陳不能除黃疸非承氣不能制定發狂  
非枳桔不能除痞滿非陷膏不能開結胸非羌活沖  
和不能治四時之感冒身疼非人參敗毒不能治春  
瘟非四逆不能救陰厥非人參白虎不能化斑非理  
中烏梅不能治衄厥非桂枝麻黃不能除冬月之惡  
寒熱隨汗解非姜附湯不能止陰寒之泄利非大柴  
胡不能去實熱之妄言陰陽咳嗽上氣喘急用加減  
小青龍分表裏而可汗下此傷寒用藥之大法也

傷寒統論受病之由

夫傷寒者冬時天氣嚴寒水冰地凍而成殺厲之氣  
正乃腎與膀胱坎水用事軀虛觸冒之人中而即病  
曰傷寒不即病者乃寒毒藏于肌膚此因腎水涸竭  
春水無以發生熱不能發泄藏蓄于內遇感而發至  
春變爲溫病至夏變爲熱病熱病重於溫病也雖曰  
傷寒實爲熱病非時行之氣春應煖而反寒夏應熱  
而反涼秋應涼而反熱冬應寒而反溫此非其時而  
有其氣是一歲之中長幼病皆相似者也是時行不  
正之氣非暴厲之氣暴厲者疫病也疫病者乃春秋  
至秋分前天有暴寒皆爲時行之寒疫也又有四時

之正氣者春氣溫和夏氣暑熱秋氣清涼冬氣凜冽  
此四時之正氣也然正氣亦能爲病春傷于風夏必  
殮泄夏傷于暑秋必痲痢秋傷于濕冬必咳嗽冬傷  
于寒春必溫病總曰傷寒病自外而入或入于陽或  
入于陰非但始下太陽終于厥陰或有太陽傷者或  
有傳至一二經而亡者或有始終只在一經者或有  
赴經而傳者或有入太陽不作鬱熱便入少陰而成  
陰証者或有直中陰經而成寒証者緣經無明文故  
多妄治若三陽傳至三陰之陰証外雖有厥冷內有  
熱邪耳若不發熱四肢便厥惡寒者此是直中陰經

陰証也蓋先起三陽氣分傳入三陰血分則熱深厥亦深矣此九則管承迺制者厥熱極反兼寒化也先熱後厥者傳經陰証也故宜四逆散大承氣者微甚而下之如初病無熱便厥者此直中陰經之寒証也宜四逆湯溫之

傷寒無陰證辨

傷寒無陰證人傷于寒則為病熱熱病乃汗病也造化汗液皆陽氣也冬時腎水用事為傷寒者其風傷于榮衛使人毫毛畢直皮膚閉而為熱初入太陽勝於受證頭疼惡寒發熱腰脊強直按至皮膚之上下

手便得脉來浮緊有力無汗為傷寒表證寒則傷榮  
血冬用麻黃湯開發腠理表汗除邪脉來浮緩無力  
有汗怕風為傷風風則傷衛氣冬用桂枝湯充塞腠  
理止汗散邪其餘月時雖無惡寒為重也治三時感  
寒無汗以羌活冲和去地黃加紫蘇霍香以發散之  
有汗用加減羌活湯如用桔梗湯止汗退邪必加涼  
藥于中免班出黃生之患此謂無伐天和也若將冬  
時正傷寒之藥通治非時暴感寒熱定為害矣

論傷寒難拘日數辨

假如一日至十二日若有一毫頭痛惡寒者每日如

此不論日數多少尚有表證未解選用微汗不可攻  
裏者攻下之則為結胸等證也

一二日惡寒皆除便竟胸中滿悶疼痛大便閉渴而  
不惡寒反怕熱熱入裏也大柴胡承氣下之切不可  
拘于日數并始太陽終厥陰之論也

二三日邪傳陽明胃身熱目痛鼻乾不眠按至皮膚  
之下肌肉之間脈來微洪而長者屬半表半裏渴而  
無汗葛根湯渴而有汗人參白虎湯微微惡寒者桂  
枝湯若無頭疼惡寒而又怕熱便閉燥渴狂言譫語  
擗去衣被揚手擲足者此為熱邪傳入陽明之本脈



來沉數有力正宜承氣湯下之泄去胃中實秘燥屎而愈也

三四日邪傳少陽膽腑脇痛而耳聾寒熱嘔而口苦按至半陰半陽及脈來弦數者是半表半裏也緣膽無出入之路用小柴胡其經有三禁汗下吐也蓋陽明與少陽三經不從乎中治也中者半表半裏兩陽交中名曰少陽也

四五日邪傳太陰脾腹滿咽乾口燥而渴按至筋骨之間脈來沉而有力者桂枝大黃湯若不渴自利身無熱脈來沉緩無力者四逆湯溫之也

五六日邪傳少陰腎口乾口燥重指按至筋骨之間  
脈來沉而有力者正用大柴胡承氣下之若發得自  
利清水不多腹脹者亦當下之俱是陽邪傳入陰經  
之陰證也若有一時初起不入太陽竟入太陰無頭  
疼身熱便見四肢厥冷怕寒或腹痛自利小便清白  
脈沉無力或脈全無者此是直中陰經之陰證也非  
是三陽傳來急用附子理中湯溫之脈沉有力陰陽  
寒熱虛實用在有力無力中分有力爲熱無力爲寒  
又有少陰太陽二證相併脈沉無力當無熱今反有  
熱如不頭痛者陰證反陽也麻黃細辛湯身發熱脈

當浮大今反沉細若有頭痛者陽證反陰也四逆湯主之

六七日邪傳厥陰肝煩渴囊縮舌卷耳聾身不熱大便閉按至筋骨之間脉實絃而有力正用承氣下之此邪從三陽傳入三陰外有厥冷內有邪熱耳如脉微而無力腹痛自利不渴四肢厥冷怕寒者真陰寒證也附子理中湯溫之口中出沫流涎者亦寒也茱萸理中湯主之

傷寒陽厥陰厥辨

陽厥沉而有力腹痛後重大便稠粘小便赤

大便不通必是先熱後發厥也其四肢雖冷上不進  
肘下不過膝此熱深陽厥也承氣湯下之陰厥脈沉  
而無力口不渴四肢痛甚及大便泄利小便清白而  
身怕寒面如刀刮四肢厥冷上過乎肘下過乎膝此  
陰厥也四逆湯治之兩陽交盡名曰厥陰也大抵三  
陰無傳經胃實熱可下也又有傷寒兩感者病爲巨  
陽老陰也

看傷寒識証內外須知

大抵傷寒先須識証察得陰陽表裏虛實寒熱親切  
復審汗吐下溫和解之法治之庶無差誤先看兩目

次者口舌後以手按其心胸至小腹有無痛滿用藥如目皆黃必爲欲愈之病也眼胞忽陷目睛直視必難治也開目欲見人屬陽閉目不欲見人屬陰目睛不明神水已竭不能照物者亦難治也

次看口舌上有白胎者爲熱見黃胎者爲熱甚見黑胎及生芒刺者必死

後按其心胸有痛而滿悶者亦未經下之爲表邪尚在少陽部分只用小柴胡湯加枳殼桔梗爲的如按其心下滿痛甚者已經下矣爲結胸正用陷胸湯者微甚而用之陷胸宜從緩治結胸證煩躁悉具者死

也

如小腹澆有硬痛當按其痛更問其小便通利若何  
如通則知畜血下焦宜破瘀血用桃仁承氣湯盡黑  
物爲好如小便不通則知津液留結宜五苓散如木  
通山梔治之

但覺發熱惡寒頭痛腰脊強脉浮不拘日數即是太  
陽表証浮緊有力無汗爲傷寒宜發汗浮緩無力有  
汗爲傷風宜實表

但見肢痛咽乾而渴身無熱手足溫脉沉有力明是  
熱邪傳來太陰裏証宜當下之如肢痛自利不渴惡

寒手足厥冷脉沉無力此是太陰自受陰也宜當溫之

但見口燥咽乾而渴妄語怕熱大便閉或微利清水而大渴脉沉有力明是熱邪傳來少陰裏証不拘日數即宜下之如肢痛泄利嘔吐怕寒手足厥冷不渴脉沉無力此是少陰直中自受內寒陰証急用溫之但見舌卷囊縮而渴身不熱外雖四肢微冷內有實熱脉來沉緩有力或大便閉實明是熱邪傳來厥陰之証即宜下之如肢痛泄利嘔吐不渴怕寒四肢厥冷小便清利脉微無力此是厥陰自中其寒証也急

宜溫之俱照前六經中用藥其一切躁渴大便閉發  
狂譫語腹滿微厥斑血証脉來有力者俱是從三陽  
邪熱傳入三陰裏証宜當下之輕重用藥無疑如寒  
當急溫之不可緩也有傷寒一日傳二經爲兩感三  
日傳盡必死再傳止于六日夫兩感發于表者麻黃  
葛根湯也攻裏者調胃承氣湯也如未盡善須問病  
者有無痛處大小便通利若胸痛者爲結胸不痛者  
爲痞氣乃因下早而成也未經下者非結胸也乃表  
邪傳至胸中症雖滿問尚有表邪未及乎腑正屬少  
陽部分用小柴胡湯加枳殼以治之如未效以本方



加小陷胸湯服之而愈痛甚者大陷胸湯下之

論傷寒傳足不傳手之誤

傷寒傳足不傳手此謬言也人之一身無非血氣且風行水動氣行血流晝夜循環而運行不息豈有不傳手經哉何所據也冬月腎水用事天氣嚴寒則足少陰太陰正司受傷三經最多其次是少陽厥陰肝膽繼冬而施春令蓋風木起于大寒之次即正當十一月中至春分方行溫令故風寒傷之足陽明太陰脾胃中土中土無定位無成名寄旺于四時寒熱之氣皆能傳也其邪亦歸于胃其手之經主于足故不

傷也若言傷足不傷手正理也若言傳足不傳手非理也

論傷寒六經變正法

夫六經傳變所由必須緊記誦不釋手可也且如鄭聲者手足鄭重冷而爲虛也譫語有虛有實虛則失血亡陽實則內熱便閉脾約者大便硬而小便利水穀不化臟寒也久利不止曰腸癰傷寒十三日不好曰過經吐長蛇曰蛇厥陰厥發燥曰陰燥手足冷者爲之厥指頭微寒情之縱汗吐下溫不好曰壞証又若何爲逆逆而有四或變爲溫瘧或變爲風濕或變

爲溫毒或變爲瘟疫此四者是也發汗出不止曰漏  
風亦爲亡陽大下損血爲亡陽陽証汗出不止曰亡  
陽大衄取汗發証者曰亡陽大抵昔無汗其有汗者  
曰亡陽三月至夏方發爲晚發冬感寒而春發者曰  
溫病非時暴寒伏于少陰之經咽痛下利名曰腎傷  
寒發汗後身灼熱者曰風溫名中暍感四時不正之  
氣者勿相似者爲疫癘病瘥後必發者曰勞復病瘥  
後多食而發者曰食復病瘥後發熱者曰遺熱吐利  
交作曰霍亂鼻中出血曰衄逆咳者曰嗽乾嘔者曰  
噦大便挾寒下利曰腸垢大便堅硬曰鞭心振寒而

動曰悸渴飲水而吐曰水逆心中憊亂不安而悶者  
曰懷懊皮膚不知疼痛者曰不仁振握而動曰肉瞤  
動惕臍下有動氣曰奔豚上有吐者曰湧之下利者  
曰洩之手足攣搐者曰瘈瘲四肢厥病曰未疾厥而  
下利當不食及能食者曰除中三陰無合病三陽俱  
病者曰合病二陽先病後一陽自病曰併病湊泄之  
所曰湊曰理婦人之中二曰理也

論傷寒見證識病法

傷寒之病從表入裏裏必達外見證之由所屬必相審治  
庶無誤也且如頭病項強者太陽証也頭搖者裏病

也頭汗者裏有瘀血必發黃也面戴陽者下虛也面  
慘不光傷寒也面光不慘傷風也面上乍黑乍白唇  
口生瘡狐惑也面如錦紋者陽毒也口難言血少也  
舌上有白胎黃胎內熱也或黑者熱極也鼻燥漱水  
不下或目膜溺血也目睛黃小腸熱也憺憺者胃虛  
也喜惡如狂畜血也肉瞶筋踴汗下虛也身如被杖  
陰毒也一身盡痛多眠或微腫難轉者風濕也身目  
俱黃濕熱疰病也身如虫行表虛也背惡寒陰勝寒  
也不眠因汗下多而神虛也坐而伏者短氣也下利  
清穀內寒也咽中生瘡上實下虛也舌上生刺熱盛

也利者熱盛也又手冒心因汗多而血虛也腹滿者是溫者邪入太陰也舌卷囊縮邪入厥陰也

論傷寒有証見之必死法

夫傷寒死証一一須明生死不明將何措手非惟有干名節亦且投藥無用且赤斑者五死五生黑斑者十死一生陽証見陰脉者死發少陽汗連厥陰血者厥竭而死發左右連氣汗者死發風濕者死發陰陽毒過六七日死太發濕家汗成痲熱而瘡者死發熱發少陽汗譫語者死發溫家汗爲重暈者死兩感傷寒者死有汗不爲汗衰爲陰陽交者死結胸証悉具

煩躁者死狂言不食者死發厥肌冷而發躁無時得  
安者口牘厥而死結胸舌上生胎爲臑結者死咳逆  
不止者死舌卷壘縮者死少陰吐利煩躁四逆者死  
結胸証煩躁悉具者死少陽與陽明合病下利脉長  
大名曰負負者死目亂無神氣目無精者死男子病  
新瘧婦人與之交曰陽易婦人病新瘧男子與之交  
曰陰易男子陰腫小腹痛婦人裏急連腰肢眼昏四  
肢拘急爲女勞復者死厥利本不能食反能食爲除  
中者死傷寒七八日大發熱汗出不止如貫珠此本  
氣衰者死瓜甲青爲陽衰者死循衣摸床喘而不休

衛氣絕者死柔汗爲冷汗出發黃者乃脾絕也死唇  
吻反青乃肝絕也死環口黎黑脉絕也死直視搖頭  
心絕也死面黑遺尿腎絕也死聲如鼻鼾肺絕也死  
身體如僵正氣脫也死喘而不休邪氣勝也死水漿  
不下胃氣絕也死形體不仁榮衛不行也死乍靜乍  
亂者死也

論婦人傷寒與男子不全治法

且夫天地陰陽各有分位傷寒雜病豈無各科男婦  
何可同治也男子調氣爲主女子養血爲先女子血  
畜則血室不畜二氣和平一有凝結水火相刑凡氣



口緊盛者即宜下人迎緊盛者即宜汗但婦人左關  
浮緊者不可下當發汗以救血室榮衛得和津液得  
行浹然汗出而解凡婦人經水適斷晝則明了暮則  
譫語如見鬼伏此爲熱入血室無犯胃氣及上中二  
焦言無犯胃氣者謂不可下也以小柴胡湯主之若  
行陽遲則熱入胃令津液燥中焦上焦不榮成血結  
胸須針其門可也但婦人傷寒發熱惡寒四肢拘急  
口燥舌乾經脈凝滯不得往來以桂枝紅花湯  
若傷寒口燥咽乾不思飲食以黃芩芍藥湯  
若傷寒喘急煩燥戰而作寒陰陽俱虛不可下也以

小柴胡湯

若傷寒經水適來邪乘虛而入晝則明了暮則譫語如見鬼狀此爲熱入血室無犯上中二焦胃氣者宜小柴胡湯

若傷寒瘥後猶有餘熱不去謂之遺熱宜地黃湯主之

論妊婦傷寒又與前証有易法

黃帝內經曰有故無殞也大積大聚不可犯也損其大半而止過則殺也且妊婦傷寒保胎宜阿膠散大抵妊婦傷寒仲景無治法最宜避忌諸藥不可以藥

常例視之凡妊婦用安胎飲散寒邪以白朮湯

妊婦增寒壯熱宜發其汗以芍藥湯

妊婦或中時行洒淅寒熱作寒振慄而悸如噦者宜蘇木湯

妊婦傷熱嘿嘿欲眠不欲食脇下痛嘔逆痰氣及產後病傷風熱入胞宮寒熱如瘧并經水道來適斷病後勞復餘熱不解以黃龍湯

妊婦頭目眩疼壯熱心躁以旋覆花湯

妊婦發斑以梔子大青湯

產後傷寒與胎前有別法

且產婦始生氣血俱虛外失衛護內無主持最宜調  
養設受風寒豈能救治故與胎前不同且產後十數  
日不解頭痛惡寒時時有熱心下堅乾嘔汗出以陳

巨湯

產婦忘津液大便多秘或譫語煩燥宜服神功丸  
產婦頭疼身熱兼腹內拘急疼痛以桂心牡礪湯  
產婦傷風發熱面赤而喘頭痛以竹葉防風湯

卷四本卷六附

傷寒三陰三陽脉證論 陰陽虛實用藥寒溫辨 六

經用藥格法 陰陽虛盛用藥寒溫辨 三陰三陽脉證

汗下溫正法 傷風見寒傷寒見風脉證 三陽合病

貞 太陽之明併病 春溫夏熱 瘧 風溫濕溫 凡濕中濕

溫毒中暍 癸熱 頭痛 項強 惡風 惡寒 背

惡寒 寒熱 潮熱 似瘧 無汗 自汗 手足

汗 盜汗 煩熱 煩燥 懊懷 身痛 四肢拘急

咳嗽 喘 太陽病喘無汗麻黃湯 氣逆 短氣 乾



明理續論序

餘杭節菴陶華述

昔朱肱奉議著傷寒百問書成經進授醫博士其書付監刊行道遇豫章名醫宋道方因就質之宋爲指駁數十條肱固然自失由是書監不刊事見續易簡方雙鍾李知先又爲歌括八韻二書吾鄉先輩例以爲活人之書按魏志佗傳云出書一卷此書可以活人則活人之名所由始而仲景傷寒論是也朱李二公雖知有仲景之書不能臻其闡與未足以充活人之名正統改元余遊京師遇臨江劉志善先生授書

一卷指摘百問亦數十條携以南歸呈之松江趙景  
元先生奉議之書固未盡善而劉公所駁似爲大察  
前人無議爲也且仲景之書流傳既久魚魯實多微  
辭與旨之互見殘簡斷篇之後先朱公既未知其文  
又不知其證候然自漢魏以來高人逸士所者不傳  
于今者何可勝數因出示諸書曰郭白雲傷寒補亡  
麗安常卒病論韓祇和微旨楊仁齋傷寒類書王寔  
證治常器之楊大授凡此數種皆有功于仲景而東  
南醫流所未見也景元亦自編一書曰傷寒類例久  
未之成不以示人庚寅冬予病足不出戶庭數月因



觀成無已明理論止五十證辨究詳明惜其未全於  
是乃集所見所聞比類附例出酌而損益之遂成一  
書名曰明理續論始以自備遺亡非敢傳諸人也雖  
朱公百問積平生之勤尚不免後人之紛紛言之爭  
實何人乃以數月而有所成蓋賴古人之成訓有以  
啓發之初學醫之士或有所得焉當有知予心者乃  
記其所由於卷首云

傷寒明理續論卷之六

餘杭 節菴 華述

新安 師古 勉學校

傷寒三陰三陽脉證論

傷寒汗下溫之法最不可輕據脉以驗證。同證而對  
脉太陽者陽證之表也陽明者陽證之裏也少陽者  
三陽三陰之間太陰少陰厥陰又居於裏總謂之陰  
證也發于外則太陽為之首發于內則少陰為之先  
太陽惡寒而少陰亦惡寒但太陽之脉多浮少陰之

脉沉細與其他證狀亦自異也發熱惡寒身體疼痛  
或自汗或無汗是爲表證可汗不惡寒反惡熱口燥  
咽乾壯熱腹滿小便如常而大便秘結是爲裏證可  
下厥冷囊拳自利煩燥而無身熱頭疼是爲陰證可  
溫浮洪緊數此表病之脉沉實滑數此裏病之脉微  
細緩若此陰病之脉在表者邪傳於榮衛之間在裏  
者邪入于胃腑之內胃腑之下少陽居焉若傳之陰  
則爲邪氣入臟天榮與衛俱爲表也亦均可汗也然  
有汗者爲傷風風傷衛氣則以桂枝助陽而汗之輕  
無汗者爲傷寒寒傷榮氣則以麻黃湯助陽而汗之

藥術固爲表也胃腑亦可以爲表也然以附屬而  
分表裏則在腑爲表在臟爲裏也取諸腑可以  
表言若合榮衛腠理而分之則表者榮衛之所行裏  
者胃腑之所生而臟則又深于裏者矣審脈間證辯  
明定其真知其爲表邪則汗之真知其爲裏邪則下  
之真知其爲陰證則溫之表有邪則爲陽證陰經受  
邪則爲臟病而溫裏之藥熱如此而汗如彼而下又  
如彼而溫桂枝承氣散之不差姜附理中發而必中  
大抵治傷寒有法投劑少差死生大見古人處方立  
論曰可汗曰可下曰可溫曰可解曰少瀉曰急下與

夫先溫其裏乃發其表先解其表乃攻其裏謂知奇者若網在綱有條不紊論至于此則知古人之大論甚嚴而汗下溫之法亦不可輕也信矣經曰傷寒六七日目中不了了無表證脈雖浮亦有可下者少陰病二三日無裏證亦有可下者陰證四逆法常用溫而四逆散件寒豈可謂哉曰醫在九流之中非圓機之士不足爲語也脈雖浮而亦可下者無表證謂六七日不大便借使大便不難其敢輕下之乎少陰病亦有發汗者少陰本無熱反發熱而表猶未解故用

取其汗也借使身不發熱其散輕汗之乎因

逆湯用姜附四逆散用枳柴一寒一熱病主四逆固  
不作矣然傳經之邪與陰經受邪初病便厥者不同  
四逆散用藥寒主先陽後陰也四逆湯用藥熱主陽  
不足而陰有餘也若張氏之論日數多則曰日數雖  
多但有表證而脉浮者猶可發汗日數雖少若有裏  
證而脉沉實者即瀉下之此日數之不可拘也至如  
陽極發厥陰極發燥陰證似陽陽證似陰差之毫釐  
繆以千里可不深思而熟慮也哉

陰陽虛實用藥寒溫辯

傷寒一書所謂陰陽虛盛則精微之義不無辯析於

其間四十八難曰病之虛實出者爲虛入者爲實蓋  
表之真陽既虛故陰邪以盛出而乘陽是以脉浮于  
外其病在表法當汗之當其陰邪出表脉浮于外之  
時不可自感以爲陽脉盛也裏之真陰既虛故陽邪  
以盛入而乘陰是以脉入于內其病在裏法當下之  
當其陽邪入裏脉實于內之時不可自感以爲陰脉  
盛也是說非古人之立言也蓋使人知如此之爲陰  
盛則抑陰而助陽如彼之爲陽盛則抑陽而助陰陰  
甚則邪出於外者發表之藥當性溫以助陽義如桂  
枝湯之類是也陽盛則邪入于內者攻裏之藥當性

寒以抑陽氣如水氣湯之類是也或曰陰出而乘者  
死是陽之不足也陽病則常有以發表而汗之何哉  
是大不然陰邪傳于外不汗之則邪何由而去桂枝  
之性溫溫之乃所以助陽陽有所助而長則陰邪之  
所由以消辛甘發散爲陽者此也張氏所謂承氣入  
胃陰盛乃亡者正恐陰盛出外而誤以承氣下之安  
得而不亡或者有陽入而承于內是陰之不足也陰  
病則當有以溫養而下之何哉是又不然陽邪入于  
內不下之則邪從何而出承氣之性寒寒之乃所以  
抑陽陽受其抑則微而真陰之所由以長酸苦湯泄



為陰者此也張氏所謂桂枝下咽陽盛則斃正恐陽盛入內而誤以桂枝汗之又安得而不死觀古人發表之藥多溫攻裏之藥多寒則知陰陽虛實之意微非止於汗下設矣所以為用藥寒溫設也

### 六經用藥格法

太陽屬膀胱寒水非發汗不能愈亦有桂枝麻黃以助陽祛邪此膀胱寒水之經有標本之作風寒初客仍在表宜用辛溫之劑以發散之若無頭痛惡寒或  
非冬時皆不可用

陽明屬胃非通泄不能痊必用大黃芒硝以疎利

熱此言表證已罷頭病惡寒已除則熱歸陽明之本矣宜承氣湯寒劑以泄熱若惡寒未除則爲表寒邪尚在不可下也冬時亦宜用不可拘忌

少陽屬膽無出入之道柴胡半夏能利能汗消解血熱黃芩佐之

太陰脾土惟惡寒濕非乾姜白朮不能燥濕也

少陰腎水惟惡寒燥非附子不能溫潤

厥陰肝木藏血榮筋非芍藥甘草不能滋養此用藥經常之道也

陰陽虛盛用藥寒溫辯

夫傷寒發表攻裏之藥寒熱殊途用之二差死生懸  
掌所以越人仲景深致意於其間也難經云傷寒陽  
虛陰盛汗之則愈下之則死陽盛陰虛汗之則死  
下之則愈且寒邪之傷人也有淺深焉淺者汗之深者  
下之此古今不易之定法也方其風寒初客皮毛之  
間陰氣乃盛閉塞腠理身中陽氣已虛不能禦衛遂  
有惡風惡寒之證見焉當此之時止宜桂枝湯辛甘  
溫之藥助陽抑陰而發之陰邪既散表氣冲和而愈  
經云辛甘發散為陽者是也不知用此而反以承氣  
湯苦寒之藥下之表裏俱傷不亡何待表邪既罷

作爲熱陽陷入深而盛於裏則津液消耗腸胃燥澀而臟腑之真陰虛矣陰氣既虛卽譫妄狂燥煩渴惡熱之病而作也當此之時宜用承氣湯苦寒之劑扶陰抑陽而泄去熱氣陽邪卽退胃中真陰來復裏氣和平而愈內經所謂酸苦湧泄爲陰者是也不知用此乃以桂枝辛熱之藥助邪伐正安有不斃者乎所以仲景云桂枝下咽陽盛則斃承氣入胃陰盛乃生良以此夫嗚呼此論誠爲傷寒汗下之樞機乎俗醫不能達此爲妙味于陰陽虛盛之道悖逆此理而不殺人也幾希經云發表不遠熱攻裏不遠寒豈虛語

哉

三陰三陽脉證

經云尺寸俱浮大者陽受病也當一二日發以其脉上連風府故頭項痛腰脊強陽寒則發熱惡寒傷風則鼻塞惡風然傷風有汗傷寒無汗

尺寸俱長者陽明受病也當二三日發以其脉次鼻絡于目故身熱目疼鼻乾不得用又曰不惡寒而作渴皆為佳經不惡寒又惡熱自汗出大便難

尺寸俱弦者少陽受病也當三四日發以其脉循脇絡於耳故腦脇痛而耳聾目苦咽乾目眩往來寒熱

而嘔此三經受病未入于腑者可汗而已

尺寸俱沉細者太陰受病也當四五日發以其脉布胃中絡于嗑故腹滿而咽乾或腹滿手足溫自利不渴

尺寸俱沉者少陰受病也當五六日發以其脉胃脘絡于膈繫舌本故口燥舌乾而渴惡寒口中和默默欲寐時時腹痛又咽痛三證

尺寸俱微緩者厥陰受病也當六七日發以其脉循陰器絡于肝故煩滿而囊縮唇青舌捲筋急或渴不欲食即吐蛔此三經皆受病也已入於腑者可下而

已此皆自陽經傳來者故宜下而去之非若陰經自中之寒此則爲真陰證矣當用四逆湯輩溫之

汗下溫正法

太陽傷風自汗惡風桂枝湯傷寒無汗惡寒麻黃湯  
陽明不惡寒反惡熱自汗者大便難大柴胡湯小承  
氣湯汗不止者胃汁乾急下之大承氣湯無汗惡寒  
升麻葛根湯有汗脈遲微惡寒爲表未解桂枝湯無  
汗脈浮而喘麻黃湯

少陽證病屬小柴胡湯

太陰自利不渴爲臍寒理中湯四逆湯胸中脹滿似

實理中丸脹滿脉浮桂枝湯脹滿時痛桂枝加大黃湯  
湯痛甚桂枝加大黃湯

少陰脉沉口不乾舌不燥背惡寒小便清白四逆湯  
始得病脉沉反發熱麻黃附子細辛湯口燥咽乾  
而渴急下之入承氣湯六經中惟此一經難治大要  
以口燥而渴知其熱脉沉而遲別其寒

厥陰脉微浮爲欲愈不浮爲未愈小建中湯脉浮緩  
如瘧狀桂枝麻黃各半湯脉沉短者囊必縮爲疝氣  
入臍承氣湯下之利不止者四逆湯

傷風見寒傷寒見風脉證



熱盛而煩手足自溫脈浮而緊此傷風見寒脈也不煩少熱四肢微厥脈浮而緩此傷寒見風脈也  
二者爲榮衛俱病法用大青龍湯然不可輕用須風寒俱盛又加煩燥方可與之

一法以桂枝麻黃湯尤穩今改卷活湯

### 三陽合病

木太陽病若汗若下若利小便無津液胃中燥轉屬陽明是爲脾約若惡寒用升麻爲根不惡寒反惡熱大便難白虎湯譌語者調胃承氣湯下之喘而胸滿者不可下麻黃湯太陽少陽頭項強急脇下硬滿日

欲往來寒熱小柴胡湯

少陽陽明本少陽病因發汗利小便後胃中燥大便難屬調胃承氣湯

正陽陽明乃本經風氣實也大柴胡湯大小承氣湯選用之

三陽合病腹滿身重諸語遺尿口中不仁屬白虎湯  
口乾舌燥不仁背惡寒同太陽陽明少陽陽明正陽  
陽明無表證者俱可下惟惡寒者為太陽陽明合病  
未過經為屬表可發汗桂枝麻黃各半湯蓋在經則  
汗過經則下也

太陽陽明併病

本太陽病發汗則汗出不徹因轉出陽明續發汗出不惡寒是併歸陽明也

太陽證尚在桂枝麻黃各半湯以證之太陽病發汗湯陽明證也

春溫變熱

溫熱病者久時感寒偶不即發寒毒藏於肌膚至春變為溫病夏變為暑病夏病者熱又甚於溫也溫病發於春三月夏至前是也發熱咳嗽頭疼身痛口燥渴脈浮弦熱甚者小柴胡湯熱微者升麻葛根湯解

肌湯微熱不渴小柴胡加桂枝湯者加五味湯者去  
半夏加枳實人參脉實煩渴者大柴胡湯微利之以  
其脉實必大便難也虛煩者竹葉石膏湯然用羌活  
湯解之爲常湯加知母石膏

夏月熱病發熱頭疼身體痛重不惡寒而惡熱其脉  
洪不可溫宜羌活湯湯加知母石膏三月至夏謂之  
晚發施子升麻湯有少陽證者小柴胡湯更于前方  
內選用若春夏有惡風惡寒類傷寒證者蓋當時暑  
中風寒之氣新病即非冬時受寒通用羌活湯治之

痊

瘧者先太陽中風重感寒溫所致經曰身熱足寒頭  
項強急惡寒時時頭熱面赤目赤獨頭面搖卒口噤  
背反張者瘧病也桂枝加芍藥湯主之傷風頭痛常  
自汗出而嘔者若汗之必發瘧九發濕家汗亦作瘧  
新產血虛汗出傷風亦作瘧若其脉沉弦而遲或帶  
緊或散于指外皆惡疾也

發熱無汗惡寒爲剛瘧葛根湯或麻黃湯葛根湯發熱  
有汗不惡寒爲柔瘧桂枝加芍藥湯桂枝芍藥湯葛根  
湯二瘧通用小續命湯剛瘧爲陽去附子柔瘧爲陰  
去麻黃剛瘧腦滿口噤咬牙腳攣肘不着席大承氣

湯下之桑葉桂心白朮湯附子防風湯白朮散桂枝  
麥散選用

風濕濕濕

風濕尺寸俱浮素傷於風因而傷熱風與熱搏即爲  
風濕其外證四肢不收身熱自汗頭疼喘息發渴昏  
睡或體重不仁慎勿發汗汗之則譫語煩燥目無精  
彩病在少陰厥陰二經葳蕤湯人參敗毒散葛根龍  
膽湯小柴胡湯選用未醒者柴胡桂枝湯  
發汗已身灼熱知母葛根湯湯甚括蕤根湯脉浮身  
重汗出漢防已湯誤汗風濕防已黃耆湯

濕溫寸濡而弱尺小而急素傷於濕因而中暑濕與熱搏卽爲濕溫其狀胸腹滿目痛壯熱妄言自汗兩脛逆冷攣急惡寒若發其汗使人不能言耳聾不知痛處其身青而色變醫殺之耳

濕溫太陽經用白虎蒼朮湯加桂枝濕勝則一身盡痛發熱身黃小便不利大便反快五苓散加茵陳臍腑虛自利甚理中湯木附湯

### 風濕中濕

風濕脉浮先傷濕而後傷風也其證肢體腫痛不能轉側額上微汗惡寒不欲去衣大便難小便利熱至

日脯西而劇治法但微解肌若正發汗則風去濕在  
非徒無益而又害之解肌用麻黃杏子薏苡甘草湯  
白朮防已黃耆湯不嘔不渴脈浮虛者桂枝附子湯  
濕多身痛小便自利甘草附子湯煩渴小便不利五  
苓散外不熱內不渴小便自利朮附湯緩若昏迷腹  
滿身重自汗失音下利不禁白通湯加白朮去甘草  
身腫痛微喘惡風杏仁湯人參敗毒散通用熱而煩  
渴者加括婁若誤下之小便必不利可五苓散中濕  
小便不利大便自利甘草附子湯五苓散大小便皆  
利則與朮附湯身體痛或鼻塞小建中湯加黃耆



溫毒中暍

溫毒者冬月感寒毒異氣至春始發也表證未罷毒氣不散故有發斑之證心下煩悶嘔逆咳嗽後必下利寸脈洪數尺脈實大為病則重以陽氣盛故耳治法通用玄參升麻湯黑膏主之詳見發斑條中

中暑脈虛而伏身熱背惡寒面垢自汗煩燥大渴毛聳惡寒昏昏倦怠而身不痛與傷寒諸證不同矣內外俱熱口燥煩渴四肢微冷而身不痛用白虎湯痰逆惡寒橘皮湯熱悶不惡寒竹葉石膏湯頭痛惡心煩燥心下不快小便不利五苓散下消暑丸中暑用

小柴胡湯最良脉芤遲腹理開洒然毛聳口齒燥白  
虎加入參湯霍亂煩燥大渴腹痛四肢冷脚轉筋以  
黃連香薷湯

發熱

夫翕翕然而熱者表熱也有蒸蒸而熱者裏熱也其  
屬表者風寒客於皮膚邪氣怫鬱于外表熱而裏不  
熱也其屬裏者陽氣下陷入於陰中裏熱甚而達表  
也其在半表半裏者以表熱未罷邪氣傳裏裏未作  
實則表裏俱熱而但輕于純在裏也太陽厥陰皆不  
發熱惟少陰反有發熱之證或其脉沉或下利手足

冷爲異耳雖然傷寒發熱病之常也脉陰陽俱虛熱  
不止者汗後復發熱脉燥疾下利者皆不易治其可  
例視之乎

太陽病發熱頭疼惡寒有汗桂枝湯惡寒無汗麻黃  
湯

傷寒六七日目中不了了無表裏證大便難身微熱  
此爲實急下之大承氣湯脉浮數者大柴胡湯

陽明病發熱汗出脉浮數實者調胃承氣湯脉浮桂  
枝湯汗多者胃汁乾急下大承氣湯

中風發熱六七日不解而煩有表裏證渴欲飲水水

入卽吐名曰水逆五苓散脉浮而大其人發熱煩渴  
小便赤表裏俱見五苓散

少陽發熱脉弦細而嘔小柴胡湯

少陰反發熱有二病脉沉者麻黃附子細辛湯下利  
厥逆裏寒外熱脉不出者通脉四逆湯

脉浮熱甚反灸之因火而動必咽燥吐血四逆湯脉  
浮大遲表熱裏寒下利清穀四逆湯發熱口乾鼻燥  
能食者黃芩湯

脉浮發熱無汗而渴表未解也小柴胡湯加人參枳  
實湯壯熱頭痛心中煩者梔子黃芩湯汗下後有熱

大汗則損氣氣損則陽微故脉虛而惡寒大下則傷  
血血傷則陰弱故脉澹而發熱誤汗誤下皆有此耳  
且陰以陽爲主陽以陰爲根下之亡陰矣陰無所主  
邪氣搏之血虛乃發熱也

太陽病發汗遂發熱惡寒小柴胡湯蒸蒸而熱者屬  
胃調胃承氣湯

下後陰弱而發熱是爲內熱葶藶苦酒湯若脉浮則  
汗之麻黃湯脉實則下之大柴胡湯大下後身熱不  
去心中結痛者未欲解梔子豉湯發汗又復下之惡  
寒發熱無休止時小建中湯

傷寒以回藥下之身熱不去微煩者梔子乾姜湯  
下後身熱不去心中結痛有梔子豉湯瘧後勞復者  
熱小柴胡湯脉浮者當汗解柴胡桂枝湯脉沈者當  
下解調胃承氣湯  
下利腹久痞滿者生姜瀉心湯小便不利麥門冬湯  
食復發熱梔子豉湯加大黃與病後虛羸微熱不去者  
竹葉石膏湯

### 頭痛

大凡頭痛屬三陽乃邪氣上攻也太陽專主頭痛陽  
明少陽亦有之三陰絡上不過頭惟厥陰循喉嚨之

後上連日系頂顛故有頭痛乾嘔吐涎沫之證却無  
身熱亦與陽證不同雖然風濕在少陰濕溫在太陰  
其經從足走至胸中而還及頭痛過於陰毒是又不  
可拘也若兩感于寒太吐少陰俱病則頭痛口乾煩  
滿而渴與夫頭痛極甚之連于腦手足寒者則為真  
頭痛不可治矣

太陽病頭痛發熱惡寒無汗麻黃湯有汗桂枝湯已  
發汗未發汗頭痛如破者葛根湯白湯

太陽病下之脈細數者語蹇痛未止連翹白湯  
陽明頭痛不惡寒反惡熱六七日不大便胃實氣攻

於上也少與調胃承氣湯

少陽頭痛脉弦發熱小柴胡湯

濕家頭痛鼻塞瓜蒂末納鼻中黃水出立愈

痰涎頭痛腦滿寒熱脉弦瓜蒂散吐之

厥陰頭痛乾嘔吐涎沫吳茱萸湯

頭痛收熱心煩施于黃芩湯

夫行勞復頭痛四肢痛葱頭湯

項強

項背強者太陽表邪也發散則解結腦項強有下之

證寒濕項強則成痙是木除臨病宜審



太陽病項強無汗惡風為邪不實葛根湯項背強發熱  
汗者惡風為表虛桂枝加芍藥湯下表陰結腦項強  
大陷胸丸一法類與理中丸若損甚者蕪輿四逆湯  
項強脇下滿身熱惡風手足溫而渴小柴胡湯  
陰毒初得病項背強咽痛心腹痛短氣厥逆吐利身  
如被杖附子湯陰毒甘草湯正陽湯天行復作熱至  
晚則腰痠頭項強身重葛根湯生薑豉湯

### 惡風

惡風者見風則怯密室之謂無所惡也風傷衛氣衛  
虛則腠理不密由是而惡矣悉屬於陽非比惡寒有

陰陽之別若無汗而惡寒者為傷寒當發其汗汗出而惡風者則為中風當解其肌不可更發汗若裏證甚而惡風未罷者尤當先解其表三陽風濕皆有此證不可不辨

太陽中風陽浮陰弱惡風自汗發熱鼻鳴乾嘔桂枝湯

頭痛發熱身疼腰痛骨節疼惡風無汗而喘麻黃湯發汗太過衛虛亡陽遂漏不止而惡風者法當用溫桂枝附子湯

小便難四肢微急難以屈伸治與上同

若吐若下後七八日不解表裏俱熱時惡風大渴舌  
乾燥而煩白虎加人參湯

汗不止必惡風煩燥不得臥先防風白朮牡蠣湯次  
小建中湯風濕惡風不欲去衣骨節煩疼不得屈伸  
汗出短氣小便不利或身微腫甘草附子湯

脈浮身重汗出惡風防已黃耆湯

惡寒

惡寒者不見風亦惡寒身雖熱亦不欲去衣被其風  
寒客于榮衛陰氣上入陽中則洒淅而惡寒也經曰  
發熱惡寒者發於陽也無熱惡寒者發於陰也謂如

或已發熱或未發熱必先惡寒而繼之以發熱此則發於陽也若初病惡寒而倦脉沉細而緊此則爲熱發於陰也在陽則發汗在陰則溫裏或下證悉具而微惡寒者是表猶未解當先解表而後攻裏若少陰病惡寒而倦手足厥冷自利燥煩脉不至者又爲不治之證

太陽病發熱或未發熱惡寒有汗桂枝湯無汗麻黃湯

病發熱惡寒熱多寒少脉微弱者無陽也不可發汗越婢湯

陽明病因直下微惡寒者係與太陽合病在經屬表可發汗麻黃湯若脉遲汗多微惡寒者表未解也雖陽明證可桂枝湯

少陽病頭汗出微惡寒柴胡桂枝湯

發熱汗出後惡寒而嘔但心下痞者五苓散發汗後惡寒者虛也芍藥附子甘草湯

惡寒脉微而復利正亡血也四逆湯加人參汗後惡寒脉細數浮遲嘔不止理中丸

大下後復發汗心下痞而惡寒表未解也當先解表桂枝湯後攻痞三黃瀉心湯

太陽病下後脈促胸滿者桂枝去芍藥若微惡寒者桂枝加芍藥附子湯

少陰病脈沉細惡寒者四逆湯

若下利惡寒而倦手足溫者小建中湯若惡寒而倦時自煩不欲厚衣大柴胡湯

亡血家不可發汗汗之則寒慄而振小柴胡湯芍藥湯

脈弱者不可發汗汗之則寒慄不能自還當歸四逆湯

背惡寒

背為陽腹為陰背惡寒陽不足也陽不足則陰氣盛  
陰氣盛者口中和陽氣內陷者口乾燥附子白虎宜  
加詳審

口中和背惡寒者屬少陰附子湯及炙氣海陽氣內  
陷口乾燥背惡寒白虎湯

### 寒熱

寒熱往來者陰陽相勝邪正相爭而作也蓋陽不足  
則陰邪出於表而與之爭故陰勝而為寒陰不足則  
陽邪入於裏而與之爭故陽勝而為熱邪居表多則  
多寒邪居裏多則多熱邪在半表半裏則寒熱相爭

學往乍來而問作也小柴胡湯專主寒熱寒多者加桂熱多者加大黃是法也

大陽病八九日如瘧狀發熱惡寒熱多寒少不嘔清便自可一日二三度發桂枝麻黃各半湯脉微緩者不可汗宜越婢湯

病至十余日熱結在裏往來寒熱大柴胡湯

心煩發嘔胸膈滿不欲食寒熱往來小柴胡湯

汗下後不嘔不渴頭汗出胸膈滿小便不利寒熱往

來柴胡桂姜湯

熱多寒少尺脉遲者榮血不足黃耆建中湯脉浮大



寒熱往來宜祛邪凡婦人中風七八日續得寒熱發  
作有時經水適斷爲熱入血室小柴胡湯

潮熱

潮熱屬陽明陽明旺於未申一日一發日晡而作也  
邪入胃腑爲可下之證設或脉浮而緊潮熱而利或  
小便難大便溇者熱未入腑猶帶表邪先當和解其  
外如小便利大便硬方可攻之若潮熱於寅卯寅卯  
則屬少陽潮於巳午則屬太陽是又不可不辯  
病人煩熱汗出則解又如瘧狀日晡潮熱脉實可下  
小承氣湯或大柴胡脉虛者不可下桂枝湯

陽明病潮熱大便微硬者大承氣湯

陽明病脈浮而緊必潮熱發作有時但脈浮者必盜汗出柴胡桂枝湯

腹滿不大便潮熱小承氣湯微利之

似瘧

似瘧一名瘧狀作止有時非若寒熱往來無定也

大陽似瘧脈伏洪桂枝湯清便自可嘔一日二三度發桂枝麻黃各半湯

陽明似瘧煩熱汗出日晡發熱脈浮桂枝湯脈實承氣湯

婦人熱入血室其血必結亦如瘧狀小柴胡湯

熱多寒少陽乘陰也若尺脈遲爲血少先以黃耆建中湯養其榮衛脈不遲却以小柴胡湯桂枝二越婢湯選用之

厥陰脈浮緩囊不縮必發熱惡寒似瘧爲欲愈桂枝麻黃各半湯溫瘧其脈如平身無寒但熱骨節煩疼時嘔白虎湯加桂渴者柴胡加人參栝蒌湯

無汗

無汗寒邪中經腠理閉密津液內滲而無汗也若歲暑濕下之則自汗出矣當汗之證與麻黃湯三劑而

不得汗者此又不可療也

太陽當熱無汗頭痛麻黃湯

項背強兀兀無汗葛根湯

剛痊發熱惡寒無汗葛根湯或小續命湯

脈浮發熱無汗表不解者麻黃湯汗不止白虎湯

渴欲飲水無表證者白虎加入參陽明反無汗脈浮

而喘者麻黃湯若無汗小便不利心中懊懣身必發

黃五苓散加茵陳

自汗

衛氣者所以肥腠理而固津液者也衛爲邪所干不

能衛護於外由是而汗出焉且自汗者有表裏虛實之分若自汗出惡風寒爲表未解當解肌以致汗止惡風與汗後惡寒皆爲表虛必用溫劑若汗出不惡風寒則爲裏解裏未和從下之設或汗出髮潤如油如珠凝而不流皆不可治也

太陽中風自汗脈浮緩桂枝湯

汗出而渴小便難五苓散不渴者茯苓甘草湯

自汗出小便難而用桂枝惟加芍藥甘草

自汗出小便不數心煩微惡寒脚攣急桂枝附子

陽明汗多而渴發熱譫語大便硬調胃承氣湯

太陽病發汗遂漏不止惡風寒桂枝附子湯

若小便自利而汗出爲津液少不可攻利宜蜜導煎  
通之若汗多者胃汁乾急下之大承氣湯

汗多而渴勿用五苓散

汗不止無他證者溫粉撲之服桂枝湯大汗出煩渴  
不解脈洪大者白虎加人參

下後不可更用桂枝湯

若汗而喘無大熱者麻黃杏仁甘草石膏湯

諸陽經絡循於頭三陰則至項而還頭汗者邪搏諸  
陽則汗見於頭也若遍身汗者爲之熱越令熱不得

越而陽氣上騰津液上騰故但頭汗耳夫表虛則不可下內澗則不宜汗頭汗之證更不可再汗也其或瘀血在裏與夫熱入血室虛煩水結皆令頭汗此爲熱鬱於內而上達或吐或下以去其邪設或小便不利內外關格而頭汗則爲陽脫誤下濕家額上汗出而喘小便難小便利亦爲陽脫二者皆不療矣百問表實裏虛故頭汗不可下發黃頭汗及項而止小便難引水漿此濕也茵陳蒿茵陳五苓散

心結胸心忪滿無大熱頭汗出半夏茯苓湯

譫語頭汗是爲血熱屬陽明用承氣湯若心中懊憹

而頭汗者梳子豉湯

半表半裏有柴胡證並小柴胡湯熱寒往來微惡寒  
為表脇下滿大便堅為裏

手足汗

四肢者諸陽之本熱聚於胃則津液傍達手足是也  
蘊熱則燥煩譫語袞寒則水穀不分是又承氣理中  
之不同

陽明病手足熱漿汗出譫語大便難與承氣湯

陽明中寒不能食小便不利手足汗出大便初硬後溏  
澹水穀不分與理中湯一法用猪苓湯



盜汗

盜汗者睡著則汗出覺則便不出矣雜病責於陽虛  
傷寒責在半表半裏故知膽有熱也

陽明病脈浮緊潮熱盜汗柴胡桂枝湯

脈浮大欲眠日合則汗小柴胡湯又柴胡桂枝湯

煩熱

邪熱傳裏不經發汗吐下則爲煩熱與發熱似同而  
異經曰病人發熱汗出則解如未作隔熱當和  
微熱而已若心下滿而煩則有吐下之異宜別其證  
之虛實而爲劑之輕重也先煩而悸者爲實先悸而

煩者為虛虛煩而心中欲嘔吐鬱悶之狀

太陽病心煩自汗小便數者不可與桂枝湯宜芍藥

甘草湯服桂枝湯後出汗後煩渴者脈洪大自虎加

人參湯

陽明病心煩喜嘔壯熱往來心下悸小便不利小柴

胡湯加茯苓傷寒二三日心中悸而煩小建中湯

發汗後解半日許復煩脈浮數者可更發汗桂枝湯

而煩渴者飲則吐水五苓散不愈竹葉石膏湯

下後晝煩夜靜不渴不嘔無表證脈微沉乾姜附子

湯若慎懷與梔子豉湯

若發汗若下之病仍不解而煩燥者茯苓四逆大下  
後六七日不大便不解腹滿痛者有燥屎大承氣湯  
吐汗下後虛煩心下痞滿氣上衝腦頭眩身為振搖  
茯苓桂枝白朮甘草湯

腎傷寒表裏無熱但煩憤不欲見光明有時腹痛其  
脈沉細四逆湯

煩燥

煩為擾亂而燥為憤怒燥為先煩而漸至燥也傷寒  
煩燥則有陰陽虛實之別心熱則煩陽實陰虛腎熱  
則燥陰實陽虛煩則熱之輕燥則熱之甚也有邪在

裏而煩燥者有不煩便作燥悶者此為陽盛隔陰欲  
於泥水中卧飲水不得入口也

其或結胃證共而煩燥吐利四逆湯煩燥下利發熱  
厥逆煩燥不得眠惡寒燥攣脈不出而燥者皆為不  
可治矣

太陽中風脈浮緊熱而惡寒身疼痛不汗出而煩燥  
大青龍湯

得病二三日脈弱無太陽證柴胡湯

證煩燥心下硬能食小承氣湯微和之心中悸而煩  
燥者小建中湯

惡風自汗脉濡弱而煩燥者皆宜用此法

但發熱六七日渴欲飲水者五苓散無熱但狂言煩燥者五苓散水調服探吐之

陽明病不大便繞臍痛煩燥承氣湯下之

少陽吐利厥逆煩燥欲死吳茱萸湯

厥逆脉沉自利煩燥不得眠黃連雞子湯黃連阿膠湯

下後復發汗晝則煩燥不得眠夜而安靜不嘔不渴無表證脉沉微身無大熱乾姜附子湯

發汗若下之病仍在不去煩燥者茯苓四逆湯

陰極發燥或陰毒火邪投熱藥反劇者不可用芩  
燥其仍與熱劑用四逆湯輩

懊懣

懊懣者心中懊懣懣懣鬱悶不舒之貌蓋山表證誤  
下正氣內虛陽邪內陷結於心胸之間甚則為結胸  
也邪在心胸則宜吐熱結胃腑則宜下不可拘也發  
汗吐下之後虛煩不得眠甚則反覆顛倒心中懊懣  
梔子豉湯舌上白胎肌不能食虛煩不得眠煩汗懊懣  
上同

短氣煩燥咽硬胸中懊懣大陷胸湯

陽明病下之後懊憹而煩中有燥屎宜承氣湯

陽明無汗小便不利心中懊憹者必發黃宜茵陳蒿

湯

身痛

身痛太陽表證也雖曰表邪未解而有發汗溫經先

後之不同自利脈沉為陰病身痛其身重者屬乎陽

明為有風也又有陽邪內行不榮於表是又不可不

知

太陽身痛脈浮緊無汗麻黃湯或尺脈遲為無血先

用小建中湯候尺脈浮却用麻黃湯

下利脈沉身痛宜四逆湯

發汗後身痛脈沉遲桂枝芍藥人參湯

身盡痛發熱面黃七八日後結熱在裏乃攻其表

溫裏四逆湯攻表桂枝湯

霍亂後身痛不休桂枝湯

濕家身疼痛不可發汗發汗則成痙葛根桂枝湯

凡中濕身痛有木條

### 四肢拘急

拘急者手足不能自如屈伸不便如蹇卧惡風之貌

四肢者諸陽之本蓋因發汗亡陽陽虛是有其證也



傷寒脈自汗出小便數心煩惡寒脚痺急者藥甘草湯小便難者桂枝加附子

太陽病發汗遂不止惡風小便難四肢微急難以屈伸桂枝加附子湯

吐利汗出發熱惡寒四肢拘急手足厥冷四逆湯

### 咳嗽

咳者聲欬俗謂之嗽肺主氣肺為邪所乘氣逆而不下也故令咳嗽有肺寒而咳者有停飲而咳者有邪在半表半裏而咳者治各不同其水咳一證不可不辨小青龍太陽之表水也十棗湯太陽之裏水也直

武湯水證之水氣也蓋水與表寒相合而咳則小青龍當汗之水與裏寒相合而咳則真武湯溫之裏冷谷水動肺而嗽十棗湯所以下之也

太陽病身熱咳嗽乾嘔喘而利小青龍湯有加減法惡寒身痛其脈寸微者方身涼咳嗽乾嘔為利心下痞滿引脇下痛十棗湯

四肢痛重腹痛下利咳嗽或嘔真武湯有加減之法少陽病寒熱往來胸脇硬滿而痛咳嗽小柴胡湯有加減之法

少陽咳嗽四逆湯腹痛下利咳嗽中滿而嘔大半夏

月世...

湯

喘

傷寒發喘有邪在表者有邪在裏者有水氣者在表者心腹滿而不堅外證無汗法當汗之在裏者心復脹滿外證有汗法當下之其水氣者心下怔忡是以有青龍湯之證或汗喘汗出而喘宜發之雖然喘特病之常也其或直視譫語汗出髮潤身汗如油皆不可治

太陽病無汗而喘麻黃湯

陽明病汗出不惡寒短氣腹滿潮熱而喘小承氣湯

太陽陽明合病喘而胸滿不可下宜麻黃湯

誤下太陽利不止脈促有汗而喘葛根麻黃黃芩湯

脈浮而喘麻黃杏仁甘草石膏湯

水氣喘咳乃太陽汗後飲水多而水停心下小青龍

湯去麻黃加杏仁小腹痛者去麻黃加茯苓陰病喘

促者及陰丹

### 氣逆

氣逆者氣自腹中時時上衝也蓋因太陽病下之表

邪乘虛傳裏裏不受邪則氣逆上行仍在表也常因後

汗之厥陰客熱氣上衝心此熱在裏而氣上也若病

如虛癱少氣氣逆欲吐者又動氣發汗而氣上衝者  
此正氣虛而氣逆也當依法調治之脉沉緊者不可  
汗

太陽病下之後其氣上衝者可與桂枝湯不上衝者  
不可與之病如桂枝證頭不痛項不強寸脉浮微腦  
中痛硬氣上衝咽喉不得息此為腦中寒瓜蒂散吐  
之脉微者不可吐吐則心口逆滿氣上衝腦起則頭  
眩脉沉緊發汗則動經身為振搖茯苓白朮桂枝甘  
草湯

動氣發汗氣上衝者不可根湯

病後虛羸少氣氣逆吐者竹葉石膏湯

短氣

短氣者呼吸短促而不能相續也干金少氣不足以息也金匱要略曰短氣不足以息者實大抵心腹脹滿而短氣者邪在裏而為實心腹濡滿而氣短者邪在表而為虛又有停水心下亦令短氣隨證攻治無不愈矣

短氣潮熱腹滿而喘此為外欲解而裏欲實大柴胡湯小承氣湯

風濕相搏汗出短氣小便不利惡風不欲去衣其邪

在表甘草附子湯

食少飲多水停心下短氣小半夏湯

身涼乾嘔短氣汗出不惡寒此表解裏有水十棗湯  
誤下太陽短氣煩燥心中懊憹便爲結胸大陷胸湯  
及丸

乾

邪熱聚於胃腑消耗津液故口乾熱而渴也經曰少  
陰病故口燥咽乾者急下之若不口燥咽乾而渴脈  
沉者急溫之又有漱水不下咽者若見表證必衄爲  
邪熱在經也以血氣俱多經中熱甚迫血妄行而作

者 齟者無表證加之腦腹滿而如狂者又爲畜血在內

湯 陽明口燥咽乾無大熱背微惡寒煩渴白虎加人參

少陽口燥咽乾小柴胡湯

少陰口燥咽乾而渴急下之用承氣湯

陽明病口燥欲漱水不嚥者必衄黃芩芍藥湯漱水  
不咽發狂輕者犀角地黃湯甚者抵當湯

渴

渴者裏有熱也津液爲熱所耗故令渴也傷寒六七



日傳至厥陰爲消渴者渴飲水多而小便少乃熱能  
消水也朱氏曰脉浮而渴屬太陽有汗而渴屬陽明  
自利而渴屬少陰至於厥陰則又熱之極矣太陽無  
汗若渴忌白虎宜柴胡湯陽明多汗而渴戒五苓宜  
竹葉石膏湯若先嘔後渴則爲欲解當與之水先渴  
後嘔則爲水停屬茯苓湯當從此議勿令悞也  
太陽病發渴脉浮表不解心下有水氣小青龍湯去  
半夏加瓜蒌服桂枝湯

汗出後煩渴甚者白虎加人參湯

小便不利而渴五苓散

身熱惡風手足溫脇滿而渴小柴胡去半夏加瓜蒌  
陽明發渴則有汗脇下硬不大便而嘔舌上白胎小  
柴胡湯加減同用

若汗少小便不利脈浮而渴五苓散渴而飲水嘔者

同

發黃頭汗出小便不利渴飲水漿茵陳蒿湯茵陳五  
苓散

少陽發汗則自利咳而嘔引水飲猪苓湯

下利渴欲飲水白頭翁湯

下利脈數而渴者自愈不愈必下清血宜黃芩散

病人脈微細欲吐不吐心煩但寐小便白下利而渴  
四逆湯

陽毒

大熱大渴黑奴丸中暑發渴白虎加人參湯

胸脇滿痛

胸滿者胸膈間氣塞閉也非心下滿者脇肋下氣填  
脹滿也非腹中滿蓋邪自表傳裏必先自胸脇以至  
心腹而入胃是以胸滿多帶表證宜發汗脇滿者多  
在半表半裏之間宜和解至於邪結胸中而為實者  
文瀆湧吐之也

太陽病下後脉促咽痛桂枝去芍藥湯病在於胃氣  
滯藥入榮故去之

陽明病喘而腦滿猶帶表證不可下與麻黃湯麻黃  
杏仁甘草石膏湯

腦脇但滿或脇下硬加或嘔吐舌上白胎或不大便  
並肩小柴胡湯

傷寒五七日往來寒熱腦脇若滿默默不飲食心煩  
喜嘔或脇下痞硬柴胡加牡蠣湯

傷寒七八日下之腦滿煩驚小便不利譫語一身重  
痛不可轉側柴胡加龍骨牡蠣湯腦中痰實瓜蒂散

吐之腦膈不快填滿閉塞唇青手冷脉細沉少情緒  
或腹痛此名太陰

結腦

經曰病發於陽而反下之熱入因作結腦註曰發熱  
惡寒者發於陽也外證項強心下滿硬而痛是也此  
爲實邪在裏法當下之若脉浮大若表證若水氣填  
不可下亦有不因下而心下硬滿者經曰病人手足  
厥脉乍緊邪結胸中心滿而煩飢不欲食當吐之是  
則病在胸中也經曰陽明病心下硬滿不可下下之  
利不止而死是則邪氣自表傳裏留於心下未全爲

法當吐之故有此戒其或結胸證具而煩燥者不  
治

結胸寸脉浮關尺皆沉緊宜下若脉浮大或有表證  
先用小柴胡湯表已解下之大結胸不按而痛連臍  
腹痛硬不可大陷胸湯或太峻用丸

小結胸按之而痛心下硬小陷胸湯

熱實結胸懊憹煩渴心下痛少與大陷胸湯

寒實結胸無熱證三物白散枳實理中丸

痞

經曰病發於陰而反下之因作痞註云無熱惡寒者

小柴胡湯  
大陷胸湯  
小陷胸湯  
三物白散  
枳實理中丸

發於陰也。輕於結胸者，心下滿而不痛，按之則濡，是其虛邪留滯，故但滿而不痛也。惟枳積最良，欲攻之，只從表證解而後可。

痞者，關脈多沉，枳實理中丸。半夏瀉心湯。關脈沉者，三黃湯瀉其肝。若惡寒者，附子瀉心湯。服此湯，痞不去，煩渴，小便不利，五苓散。

下後復汗，心下痞而惡寒，表不解，不可攻痞。先與桂枝湯，表解乃攻痞。三黃湯。

表未解而心下妨悶，曰支結。柴胡桂枝湯。胸滿而微結，小柴胡湯加乾姜、牡蠣。表證未罷，因攻之，胸熱。

而利心下硬為表裏俱病桂枝人參湯

下利心下痞硬乾噎食臭腹鳴甘草瀉心湯生姜瀉

心湯治法通用桂枝人參湯若下利不止則治下焦

赤石脂禹餘糧湯又不止只利小便五苓散

發熱不解嘔吐不利心下痞硬大柴胡湯吐汗下後

噎氣痞硬旋覆代赭湯

若咳逆氣虛用四逆湯

胃寒先宜理中丸後用旋覆代赭湯

腹滿

脾為中央之土所以腹滿多屬太陰也帶病者為裏



實從下之時減者爲裏虛當溫之若解表內不消非  
大瀉尤生寒熱朱可下是邪全未入腑若大瀉大實  
兼有燥屎雖得之四五日亦爲可下謂邪已入腑也  
大抵陽熱爲邪則腹滿而咽乾陰邪爲寒則腹滿而  
吐利食不下若雖經吐下後而腹滿者治法又各不  
同是又不可不知也

大陽誤下因時腹滿而痛桂枝加附子湯痛甚桂枝  
加大黃湯

陽明發熱腹滿微喘口苦咽乾或不大便譫語者並  
小柴胡湯噦而小便難加茯苓

三陽合病腹滿身重難以轉側諸語口中不仁少陰  
胡湯有汗白虎湯

大陰腹滿吐食不下枳桔理中丸

少陰病六七日腹脹滿不大便急下之大承氣湯

腹滿痛者脾不勝水水與氣搏皮肉之間腸中漉漉

有聲小半夏茯苓湯加桂枝下利腹滿身疼痛先溫

其裏四逆湯後攻其表桂枝湯

發汗後腹滿當溫厚朴半夏生姜人參湯吐後腹滿

當下少與調胃承氣湯下後腹滿宜梔子厚朴湯腹

脹滿者陰陽不和桔梗半夏湯

腹痛

邪氣入裏與正氣相搏則爲腹痛蓋陽邪傳裏而痛者其痛不常常以辛溫之劑和之陰寒在內而痛者則痛無休時欲作利也當以熱劑溫之有燥屎宿食爲痛者則煩而不大便腹滿而痛也則後用下經曰諸痛爲實痛隨利減此皆爲裏證而所治各不同矣又當隨證施治

傷寒四五日腹中痛者轉氣不趣小腹者此欲自利也四逆湯

少陰腹痛四逆或咳或悸或小便不利或瀉利下重

并四逆散

下利青穀脉微欲絕通脉四逆湯腹痛小便不利直

武湯

胸中熱胃中有邪氣腹痛欲嘔吐者黃連湯

大便實痛者閉脉實腹滿不大便桂枝加大黃湯大

小承氣湯選用之

小腹痛

小腹痛者臍下滿是也其心下滿腹滿皆為邪

氣而非物今小腹痛皆為有物而非氣小便利者則

為畜血之形小便不利者乃是溺瀦之證溼利之劑

宜分兩途經曰病人素有痞氣連在臍傍痛引小腹入陰筋者名臍結也死

太陽病不解熱結膀胱其人如狂小腹急結桃仁承氣湯

太陽病六七日表證在脈微沉不結胸發狂小腹硬滿小便自利抵當湯

太陽病日黃脈沉結小腹硬小便不利者五苓散陰陽易小腹痛燒褌散

病者手足厥冷真武湯下結胸小腹滿按之痛者此  
結在膀胱關元宜灸關元穴

嘔吐

嘔者聲物俱出者也吐者無聲而但出物者也故仲  
景復重言乾以別之則嘔爲有物明矣乾猶空也但  
空嘔而無所出耳然嘔吐俱有物出較之輕重則嘔  
甚於吐蓋表邪搏裏氣上逆故嘔吐而水穀不下  
也有胃熱脈弦數口舌煩渴有胃寒脈弦遲逆冷不  
食小便利有水氣先渴後嘔膈間怔忡有懷血喉中  
腥奔逆上衝不須治之嘔膿盡自愈是四者不可不  
辯大抵邪半在表半在裏則多嘔吐及其裏熱而嘔  
吐者亦有之故經曰嘔多雖有陽明證不可攻之爲

其氣逆未收斂爲實也設或嘔而脈弱小便復利身  
惟熱而見厥者難治以其虛寒甚也

太陽少陽合病自利而嘔黃芩加半夏生姜湯

太陽陽明合病當自利若不利但嘔葛根加半夏湯

傷寒胸中熱胃中有邪氣腹痛氣逆欲嘔吐者黃連

湯

太陽病發熱汗出心下煩鬱痞硬不利嘔吐大柴胡

湯

三陽發熱而嘔逆小柴胡湯嘔而渴者猪苓湯五苓

散

先嘔後渴此爲欲解宜與水解先渴後嘔而水停心下赤茯苓湯

少陰病又吐但欲寐五六日自利而渴小便色白四逆湯加生姜

少氣或咳或悸身痛自利真武湯去附子加生姜膈上寒飲乾嘔吐涎沫四逆湯

若吐利手足厥冷煩燥甚者吳茱萸湯

食穀欲嘔者屬陽明也上同得湯反劇者橘上焦橘皮湯小柴胡湯似嘔似噦似喘心下憤憤大橘皮湯汗下後關脈遲緩而吐爲胃寒理中丸



瘵後虛煩嘔吐竹葉石膏湯加生姜汁屢經汗下食  
氣膈塞食入即吐乾姜黃芩黃連人參湯

汗後水藥不入口者四逆半夏茯苓湯金匱要略曰  
諸嘔吐穀不下半夏湯嘔吐脉滑數或洪發熱茅根  
湯

### 乾嘔

乾嘔者嘔而無物出也大抵熱在胃脘與穀氣并熱  
氣上薰心下痞結則有此證太陽汗出乾嘔桂枝湯  
主自汗也少陰下利乾嘔姜附湯主下利也厥陰吐  
沫乾嘔吳茱萸湯主涎沫也和去則吐自止矣若有

水氣二證又當以表裏別之

傷寒表不解而心下有水氣乾嘔身熱微喘或自利  
小青龍湯主之

不發熱不惡寒肋痛欬而利乾嘔者十棗湯下之

自汗頭痛乾嘔桂枝湯

少陰下利乾嘔脈微白通湯下利不止乾嘔而煩厥  
逆無脈白通加猪膽汁湯

惡寒外熱脈微欲絕乾嘔通脈四逆湯

膈上有寒飲乾嘔亦屬少陰四逆湯

乾嘔吐痰沫頭痛吳茱萸湯得此湯反劇者與小柴

胡湯

乾嘔自利黃芩湯半夏夏生薑湯太陽中風陽浮陰弱  
自汗惡風寒發熱鼻鳴乾嘔者桂枝湯乾嘔噦若手  
足厥者橘皮湯

欬逆

夫咳逆者俗謂之吃忒是也竊發聲於喉間則遽止  
既既然連續數聲然而短促不長古人謂之噦者非  
也噦與乾嘔無異但其聲瀾惡而長然皆有聲而無  
物病下於噦則危難治矣大抵簡近於噦簡者但胸  
間氣塞不得下通噦則惡瀾之聲達於外矣蓋因胃

氣本虛汗下太過或腹飲水水寒相搏虛逆而成經  
曰陽脉浮則爲氣謂又曰脉滑則爲噦此爲醫咎責  
虛取實之過也又有熱氣擁鬱上下氣不得通而噦  
者輕則和解之通利之甚則溫散之設若不尿腹滿  
而噦者咳逆脉散而無倫者雖神醫不能措手助傷  
寒咳而氣逆者又不同也若將喫或紊於噦與咳而  
氣逆則誤人多矣臨病之際宜明辯之欬大便少  
與大承氣湯下之蓋由熱氣衝膈肝肺故耳若便軟  
瀉心湯胃氣虛而衝脉逆也若脉散者不治咳逆潮  
熱小柴胡加橘皮生姜湯

厥逆不止烏苓湯有寒者菴活附子散

傷寒表不解心下有水氣乾嘔發熱而咳或謂小青龍湯去麻黃加附子

寸口脈浮大醫反下之爲逆又飲冷水令汗大出不得寒氣冷必相搏其人即譫豈菴湯

噦而腹滿大便不利先宜半夏生薑湯次用承氣湯小便不利猪苓湯

陽明中風脈浮弦小便難潮熱而噦小柴胡湯加菴

令

嘔噦手足冷逆小橘皮湯

若腦滿虛煩大橘皮湯

胃氣寒者吳茱萸理中湯溫中湯

金匱要略曰噦逆者橘皮竹茹湯主之

噦不止者橘皮乾姜湯半夏生姜湯退陰散子宜酒

息用之

溫病熱未除重被暴寒入胃蘊結不散變噦梓皮飲

子

溫病有熱飲水暴冷作噦芎藭葛根湯

溫病胃冷變噦芎藭根橘皮湯

溫病有熱飲水暴冷枇杷茅根湯

下利

傷寒表邪傳裏裏虛助熱則自下利又有不應下而便攻之內虛協熱亦爲下利要當別其陰陽三陽下利自太陽下利手足溫少陰厥陰下利身涼無熱此太陰也自利清穀不渴小便色白微寒厥冷惡寒凡此皆寒瀉欲飲水溺色如常泄下赤黃發熱後重凡此皆熱蓋因風邪入胃水來侮土故令暴下或溫或攻或清下焦或利小便隨證施治但不宜發汗耳邪氣內攻復泄其津液胃氣轉虛必成脹滿若夫下利譫語而目直視下利厥燥不得眠下利發熱厥而自

汗下利厥冷無脈灸之不溫而脈不出下利日數十行其脈反實皆為不治之證五者最忌者也

太陽陽明合病下利頭目痛鼻乾脈浮芤根湯

太陽少陽合病下利頭痛腦滿乾嘔脈浮故黃芩湯  
芤甚加半夏生姜

少陽陽明合病下利身熱胸脇滿乾嘔往來寒熱脈  
長大而弦弦而為負負者死長大不弦為順大承氣  
湯下之

滑而數為有宿食亦從下之太陽病未解而欲下之  
遂熱而利心下痞硬表重不解者桂枝人參湯



太陰自利不渴四逆湯理中湯木附湯

少陰下利不渴腎虛飲水自救脈微者白通湯

厥逆無脈者白通加豬膽汁湯四逆湯

少陰下利渴而嘔止煩不得眠者豬苓湯

少陰下利咽痛腦滿心煩者豬膚湯

自利清水心下必痛口中乾燥此不可溫宜用大

承氣湯

傷寒醫下之續得下利清穀身痛者急當救裏宜四

逆湯清便自調急當救表宜桂枝湯

胃熱利白腹垢臍下必熱便下垢膩赤黃或渴黃芩

湯白頭翁加皮湯通用之白虎湯

胃寒利白鴨浩濟下必冷腹脹滿便中清白或清穀  
因逆湯理中湯寒毒下利面帶陽者下虛也下利謹  
語有燥屎也脈不微細小承氣湯

尺脈弦腸鳴泄利腹痛者冷痛也小建中湯三部平  
心硬而下利者腸胃積結也宜下之大承氣湯

下利脈滑當有所去下之乃愈大承氣湯下利脈大  
者虛也以其強下之故也設脈浮革因爾腸鳴者當  
歸四逆湯

下利瘥後至其年月復發者以痛不盡故也宜下之

大承氣湯

便膿血

衝脈爲血之海卽血室也男女均有此血氣均有此衝脈衝之得熱血必妄行在男子則爲下血譫語在婦人則爲寒熱似癰皆爲熱入血室逼血下行則血熱而利也挾血之脈乍滿乍數或伏或沉血熱交併則脈洪盛大抵男多於左手女多於右手見之又有陰寒爲病下利便膿血者乃下焦虛寒腸胃堅固清濁不分而利下膿血也二者一爲挾血一爲陰寒隨病宜精別焉

太陽病不解熱結膀胱其人如狂而血自下者愈不  
愈用桂枝湯明理論抵當湯

陽明病下血譫語胸脇滿如結胸夜則見鬼此為熱  
入血室小柴胡湯

少陰病下利便膿血者桃花湯

腹滿身熱下如魚腦曰濕毒桃花湯地榆散黃連阿  
膠湯

下後無表裏證脈數不解散消穀易飢多日不大便  
此為瘀血桃仁承氣湯抵當湯或小柴胡湯加桃仁  
大黃

下焦蓄火其人如在小腹急結小便必利抵當丸

### 四逆

手足不溫謂之四逆邪在表則手足熱邪在表裏之間則手足溫至於邪傳少陰則手足有逆冷之證與厥陰又相遠也然自熱而至溫自溫而至厥乃傳經之邪輕則四逆散重則承氣湯下之非若得病手足便逆而不溫者四逆湯溫之則爲陰經受邪而陽氣不足也其或吐利煩燥厥逆蹇卧皆屬少陰又爲不治之證

少陰病四逆其人或咳或悸或小便不利或腹中痛

瀉或利下重並四逆散

初病以來厥冷四逆即四逆湯

手足逆冷大便秘閉小便赤或大便黑色脉沉而滑此  
為陽證以白虎湯甚者大承氣湯

厥逆

傷氣伏藏陰氣越出陰陽不相順接所以厥也若先  
熱而後厥者乃熱邪伏於內也先厥而後熱者乃陰  
退而陽得復也

若始得病便厥者是陽不足而陰勝也熱浮於內者  
其脉沉而數狂言發渴露手揚衣燥不得眠或大便

閉初便厥者其脉沉遲而弱醒而靜惡寒引衣或下利清穀也其或惡寒踰卧煩燥下利不知人皆爲惡候故曰逆也

先發熱而後厥者揚手擲足煩燥飲水畏熱頭汗大便閉小便赤拂齒昏憒當下失下血氣不通所以謂熱深則厥者此也大柴胡湯小承氣選而用之

初病便厥是學惡寒引衣自蓋不渴大小便自利默默而惺惺諸四逆選用之

傷寒厥而心下悸者宜先治悸茯苓桂枝湯後治厥四逆湯吐利厥逆煩燥欲死者吳茱萸湯當歸四逆

湯仍多大便

不大便

不大便謂大便難也皆因發汗利小便耗其津液以致腸胃乾燥而轉屬陽明裏者多矣其小便自數者則爲津液偏勝故使大腸亦難也若下若發汗小便數大便硬者與承氣湯和之謂津液內竭也又有不宜便下者至於脈浮脈虛惡寒此尤帶表邪乃不可下其嘔吐爲邪未入腑雖有陽明證不可攻之小便滑者知邪不在裏仍在表也大便難小便少不轉失氣此內無燥屎也但初硬後溏爾陽明脈浮或經孫



汗小便自利不大便者亦津液內竭宜蜜導煎通之  
經曰其脉浮而數能食不大便此爲實名曰陽結也  
宜大柴胡湯若不了了得屎而解其脉沉而遲不能  
食身體重大便反難名曰陰結也宜金液丹

傷寒不大便六七日頭痛有熱者小承氣湯

病人不大便六七日繞臍煩燥發作有時者此爲屎  
硬不得大便小承氣湯

夫病陽明者下之則硬汗多極發其汗則亦硬並小  
柴胡湯

陽明病脇下硬滿不大便而嘔舌上白胎小柴胡湯

少陰病六七日腹脹不大便急下之大承氣湯

若發汗若利小便津液內竭大便自難者不可攻之

無陰陽強大便者下之必清穀脹滿並用蜜導煎

譫語鄭聲附

經曰邪氣盛則實精氣奪則虛故實則譫語虛則鄭

聲傷寒胃中熱盛上乘於心爲熱胃則神識昏迷妄

有所見而言也輕者睡中呢喃重者不睡亦語亦有

譫語者有獨語者有語言不休者有言亂者凡此見

其熱之輕重也大抵熱入于胃冰涸尿燥必發譫語

又有被火劫者有亡陽者名各不同但氣短者死脈

自和則愈或喘滿氣逆而上奔自利柔脫而奪下皆  
爲逆也譫語者脉洪數大便閉小便赤手足溫與調  
胃承氣湯

胃實譫語身熱汗多便秘難或潮熱諸承氣湯選用之  
發汗多亡陽譫語身自和不可下柴胡桂枝湯

下利譫語爲有燥屎脉不微細小承氣湯  
利不止者不治

三陽合病譫語者脉滑石身重難以轉側口中不仁  
面垢遺尿不可汗下與白虎湯

傷寒大熱乾嘔呻吟錯語不得眠犀角解毒湯

得病無熱但狂言煩燥不安精素不與人相當與五  
苓散二錢以新汲水吐之則愈一法川椒苓湯

瘀血狂言譫語欬水大便黑色小便多身黃腹滿此  
爲當汗不汗皆熱在裏輕者犀角地黃湯甚者桃仁  
承氣湯抵當丸

婦人熱入血室晝靜夜譫如見鬼狀小柴胡湯  
陽明病其人喜忘必有瘀血抵當丸

鄭聲者重語也又爲不正之音也傷寒鄭聲如鄭衛  
之音不正也蓋因後汗若病人本音失而正氣虛則  
漸重語不知高下乃精氣奪之候也其脉微細二便

月五...  
卷之...  
利用白虎湯

小便不利小便難附

邪氣聚於下焦結而不散甚則小腹硬滿而不痛此  
小便所以不通大抵有所不利者行之所以滲泄也  
若飲水過多下焦蓄熱或中濕發黃水飲停留皆以  
利小便爲先惟汗後亡津液胃汁乾與陽明汗多者  
則以利小便爲戒設或小便不利而見其汗者乃爲  
陽脫關格之疾矣

飲水過多下焦蓄血熱小便不利脉浮者用五苓散  
脉沉者猪苓湯

太陽病身黃脈沉者猪苓湯

太陽病身黃脈沉結小腹硬小便不利者爲亡血也  
五苓加茵陳嘔而發熱臍滿心下怔忡小便不利者  
爲亡血也五苓加茵陳茯苓

少陰病四逆或小便不利四逆散加茯苓

陽明病無汗小便不利心下懊惱者身必發黃五苓  
散加茵陳經曰虛則小便難陰虛者陽必湊之由膀胱  
受熱致小便赤澀而不流利也又曰雖不大便也  
六七日而小便少者但初硬後溏未定或硬攻之必  
溏縱小便多屎定硬方可攻之乃胃中有穀不別雖

通而不能也

陽明中風脉浮弦大身黃鼻乾氣短腹滿潮熱時嘔  
心脇痛小便難小柴胡茯苓

太陽病小便利者以飲水多必有心下悸茯苓白朮  
甘草湯小便少者必裏急猶苓湯

小便自利小便數遺溺附

小便自利者爲津液漏滲大便必硬宜以藥微下之  
其陽明自汗者復發其汗使津液內竭屎雖硬尤不  
可攻縱使大便難竅道煎導之太陰當發身黃其小  
便自利者則濕熱內泄不能發黃惟血證則腹急面

如狂腎與膀胱虛則不能約制水液二者皆小便且  
利若腎與膀胱虛而挾熱熱則水道澀則小便不快  
故澀淋而數起也若自汗而小便數者雖有表證又  
不可用桂枝謂亡走津液也

太陽病小便自利以飲水多心下悸茯苓桂枝茯苓  
甘草湯

太陽自汗四肢拘急心煩微惡寒脚攣急小便數誤  
服桂枝湯得之使厥與甘草乾姜湯甘草芍藥湯  
厥浮自汗小便數胃不和譫語者少與調胃承氣湯  
陽明脈浮而澀浮則胃氣強澀則小便數浮澀相搏



大便則難其脾為約宜麻仁湯

少陰四逆小便自利或色白為虛寒四逆湯或真武湯去茯苓既吐且利小便復利而大汗出下利清穀內寒外熱脈浮欲絕者四逆湯

舌上白胎膿結附

經白舌上如胎者以丹田有熱胃中有寒謂寒氣初傳入裏也舌乃心之官法應南方火色本紅乃邪氣在表舌則無胎又邪氣在裏津液結搏則舌上生胎而滑熱氣漸深其舌胎燥而澁熱聚於背其舌胎為之黃矣若開黑色則甚已深病已極篤經曰舌熱病

口乾舌黑者死乃腎水刑於心火也

脈陰陽俱緊曰中氣出唇口乾燥涎出足冷鼻中流  
出舌上滑胎者勿妄治也到七八日以來其人微發  
熱手足溫者此爲欲解或八日已上反大發熱者此  
爲難治故使惡寒者必欲嘔也小柴胡湯加生姜  
腹內痛者必欲利也理中湯

太陽誤下胃中空虛客熱動膈懊憹舌胎施子豉湯  
少陽病脇下硬滿不大便而嘔舌上白胎小柴胡湯  
陽明病舌上生胎五苓散舌黃者當下之金匱要略  
曰舌黃者未可下黃自去也

臟結者臟氣秘結而不流布也寸息不運機織窮一  
毫不續窮壞判臟其可結乎外證如結胸欲飲食  
如故時時下利爲異耳其脈寸浮關沉而緊陰筋引  
臍腹俱痛是也病人脇下素有痞連臍結無陽證不  
往來寒熱其人反靜舌上胎滑者不可攻也刺關元  
灸之亦可仍與小柴胡湯加生姜

### 咽痛

咽喉不利或痛或癢不可納食皆毒氣上衝所致經  
曰太陽病下之脈緊者必咽痛以太陽之邪搏於少  
陰也少陰之脈循喉嚨挾舌本少陰咽痛脈浮連厥

冷或吐利亦屬少陰並不可汗下用桔梗湯豬苓湯  
甚者半夏散逆脈四逆湯去芍藥加桔梗汗不止薑  
木溫粉搗之咽中生瘡不能言語聲不出者苦酒湯  
若傷寒六七日大下後寸脈沉遲尺脈不至咽喉不  
利嘔血膿手足厥利不止者難治宜麻黃升麻湯  
腎傷寒一證乃非時暴寒伏於少陽之經頭痛腰痛  
脈微弱初咽痛以傷寒後必下利咽痛半夏桂枝湯  
即半夏散利四逆湯

陽主咽喉利見發斑條咽中閉塞烏扇湯口瘡木香湯  
浸黃柏噲咽利甚者升麻六物湯

頭眩

少陽居表裏之間表邪傳裏表中陽虛故頭眩也又有發汗吐下後而眩者亦陽虛所致也若少陰病下利止而頭眩時自冒者此虛極而脫而風家亦有眩者風主運動故也其或諸逆發汗劇者言亂目眩而死也

太陽病若下之因復發汗以此表裏俱虛其人必眩冒胃家汗自出而愈

陽明病但頭眩不惡寒故能食而咳扶苓白朮甘草桂枝湯

少陽之為病口苦咽乾目眩小柴胡湯

太陽病發汗汗出不解其人仍發熱心下悸頭眩身  
動振振欲擗地真武湯

吐汗下後虛煩脈微沉緊心下悸脇下動氣咽喉壯  
冒身振筋脈動惕久而成痿茯苓桂枝白朮甘草湯  
痿用括萎湯

暈衄

經絡熱盛迫血妄行出於鼻者為衄血也是雖熱其  
邪尤在經然亦不可發汗經口以桂枝麻黃湯衄非  
衄也乃欲散其經中邪氣耳衄血故為欲解若衄

不止而頭汗出其身無汗及發熱汗不至足者又爲惡證當明辨之

太陽證衄血及服桂枝湯後致衄者爲欲解也屬犀角地黃湯衄不止者化湯無汗能食者即欲愈黃芩湯

衄家不可發汗汗出必額上陷脈緊急直視不能眈不得眠芍藥地黃湯

陽明病渴欲漱水不嚥者必衄黃芩芍藥湯

不因下而自利加衄者麻黃升麻湯脈浮大欲發熱下利鼻衄乾嘔者黃芩芍藥湯衄而復渴欲飲水

小建中湯有熱者小柴胡湯

少陰病四逆其人或悸四逆散加桂枝心下有水氣

厥而悸當先治水茯苓甘草湯不然水入胃中必不

利也

傷寒脈結代心動悸炙甘草湯

發黃

內經曰濕熱相交民多病瘴癘者單陽而無陰也太

陰脾土為濕熱所蒸則雖見於外必發身黃濕氣勝

則如黃黃而晦熱氣勝則如橘黃而明傷寒至於發

黃熱勢已極且與畜血大抵相類扶機不利為發黃

月里黃命

天

卷



小便自利爲畜血也設或寸口無脈鼻出冷氣與夫形如烟薰插頭直視環口顰黑舉體發黃是皆真臟氣絕也

傷寒瘀血在裏身必發黃麻黃連翹赤小豆湯

太陽中濕發黃身熱頭痛目黃汗出濕在裏五苓散  
梔子蘗皮湯

濕家之爲病一身盡痛發熱身雖如似熏黃小便不利五苓散小便自利木附湯身煩痛麻黃湯加蒼朮  
脈浮身重汗出惡風防已黃耆湯

陽明病脈遲食難用飽飽則微煩頭眩必小便難

欲作穀疸雖下之腹滿如鼓穀疸湯五苓散加茵陳  
湯明傷寒發黃身飢短氣腹滿鼻乾咽燥心脇痛小  
便難潮熱咳嗽頭眩嗜肝脉絳浮大小柴胡湯加茯苓

血證發黃如狂小便多大便黑犀角地黄湯桃仁承  
氣湯抵當湯選用之

黃疸脉浮滑緊數頭面汗出渴飲水漿小便不利茵  
陳蒿湯調五苓散

初發黃以瓜蒂末口噲水搐鼻中黃水出愈

發狂

難經曰重陰者顛重陽者狂傷寒熱毒在胃併入于心遂使神不寧而志不定也故發狂始則少卧不飢妄語妄笑甚則登高而歌棄衣而走踰垣上屋皆獨陽亢極熱之所致非大下之不能止也亦有當汗不汗熱在裏下焦蓄血如狂者小便不利時如狂未至于狂耳若夫狂言直視便溺自遺其與汗後大熱脈燥狂言不食又爲可慮也

重陽卽陽毒脈數實狂走錯語煩燥乾嘔面赤咽爛潮熱發狂或下利黃赤陽毒升麻黃芩湯

時行熱病發狂黑奴丸經曰太陽病不解熱結膀胱

其人如狂而血自下者愈若分不解與桂枝湯外已  
解但小脛急結桃仁承氣湯

血證如狂脉微身黃唇燥嗽水無寒熱小腹滿小便  
不利大便黑犀角地黃湯甚者桃仁承氣湯抵當丸  
取下黑物為効

### 筋惕肉瞤

內經曰陽氣者精則養神柔則養筋發汗過多津液  
枯少陽氣偏虛筋肉失所養故惕然而跳瞤然而動  
非溫經助陽不可也張氏故特設真武湯以救之或  
因發汗吐下後表裏俱虛而有此狀者此又逆之甚

矣

太陽病發汗不解發熱心忪頭眩身瞶欲擗地宜武湯

發汗過多或虛弱人微發汗或傷風自汗妄用大青龍湯便有厥逆筋惕肉瞶之證並屬真武湯證者去芍藥有熱者去附子應發而腹中左右有動氣者並不可汗汗之則筋惕肉瞶或頭眩汗出不止其後最逆先宜防風白朮牡蠣湯次服小建中湯十救一二吐下之後心下逆滿氣上衝胸起則頭眩脈沉緊身振搖者茯苓桂枝白朮甘草湯久而成痿者通用心

下痞滿者枳積湯加茯苓甘草

多眠汗下附霍亂

夫衛氣者晝行於陽夜行於陰行陽於寤行陰於寐  
陽氣虛陰氣盛則日瞑故多眠乃邪氣傳於陰而不  
在陽也昏昏閉目陰自闔也默默不言者陰主靜也  
經曰太陽病十日已去脉浮細嗜卧者外已解也鼻  
乾不得汗嗜卧者風熱內攻不下手表故熱氣伏於  
裏則喜睡也三陽合病但欲眠睡目合則汗譫則有  
熱也見盜汗其胃熱亦嗜卧也風溫狐惑亦有是證  
又當辨之

辨別合  
卷六  
七

太陽病十日脈浮細者胃中不和雖已解設胸滿脇痛  
鼻乾不得汗者小柴胡湯脈但浮者麻黃湯

少陰病但欲寐尺寸俱沉細者四逆湯

少陰病欲吐不吐心煩多寐尺寸俱沉細者四逆湯

少陰病欲吐不吐心煩多寐五六日自利而渴小便

白者則止矣

其濕霍亂死者少乾霍亂死者多若土不得吐下不

得利所傷之物不得出泄雖閉正氣陰陽懸隔喘脹

而死素問食飲有節起居有常安得有霍亂也 霍

亂頭痛發熱身疼痛熱多欲飲水五六散寒多不飲

米煮理中湯吐利汗出厥微惡寒手足厥冷拘急因  
逆湯腹滿而痛四肢拘急轉筋下利理中湯加附子  
官桂加減詳見本方

吐利止身痛不休桂枝湯既吐且利小便復利而大  
汗出下利清穀內寒外熱脈微欲絕者四逆湯  
吐利止但汗出而厥四肢尚急不解脈微欲絕者通  
脈四逆加猪膽汁

陰陽易陰陽交

凡男子陽易婦人陰易者病新瘥而動活慾也其瘥  
身重氣之小腹絞痛頭不能舉足不能行四肢拘急



百節解散眼中生花手足拳攣其脈澀經皆不可治  
或榮衛精隨竭翁翁少氣手足不能舉者而死吁外  
傷六氣內傷七情其為害若是耶

燒裊散猥鼠屎湯竹皮湯乾姜湯青竹茹湯當歸白  
朮湯宜選用之

陰陽交者溫病不得發汗汗之復生大熱狂言不食  
其脈燥疾是也皆不治若脈浮數表證尤在可再汗  
之若脈沈實則為胃實又從汗下之後復熱者同此  
法再汗用桂枝湯再下用承氣湯

拂鬱

機機者陽氣蒸越形於頭面體膚之間聚赤而不散

### 瘰癧

瘰癧者瘰則急而縮癧則緩而伸熱則生風風主乎動故筋脈相引而伸縮傷寒至於瘰癧可謂危矣能以祛風蕩熱之劑滅其大勢間有可治者治法與瘰同

### 戰慄

戰慄者陰陽爭戰故身為之搖也邪氣外與正氣爭則為戰邪氣內與正氣爭則為慄戰者正氣勝故有得汗而解者慄則不戰而但鼓領遂成寒逆此陰氣

內熱正不勝邪宜姜附四逆湯加灼艾以禦之經曰  
陰中于邪必內慄也又云邪中下焦陰氣為慄足膝  
逆冷便溺妄出皆此類耳方在惡寒條四逆湯甘草  
乾姜湯若復燥而不得卧者不治

### 時行兩感

時行者春應煖而反大寒夏應熱而反大涼秋應涼  
而反大熱冬應寒而反大溫此非其時而有其氣是  
以一歲之中長幼之病多相似者此即時行之氣春  
感寒邪在肝升麻葛根解肌湯夏感寒邪在心調中  
益氣湯射香湯半夏桂枝甘草湯秋感濕邪在脾白

虎加香木發黃茵陳五苓散冬感寒邪在腎名曰冬  
溫括萎湯溫疫通用人參敗毒散升麻葛根湯從春  
分以後至秋分節前大有暴寒者皆為特行寒疫宜  
用辛溫藥發散

傷寒兩感半屬于陰半屬于陽臟腑俱受病一日太  
陽少陰俱病則頭疼口乾煩滿而渴二日陽明太陰  
受病則腹滿身熱不欲食譫語三日少陽厥陰俱病  
則耳鳴囊縮而厥水漿不入口不知人者六七日死  
長沙無治法但凡兩感病俱作治有先後發表攻裏  
本旨不同後人以意消息謂如下利不止身痛致痛

當先救裏與四逆湯清便自調與桂枝湯然治有先後之說

太陽先受病在表先解表少陰先受病在裏先救裏先表者裏不可緩也先裏者表亦不可緩也此通權變之論也

不得眠

陽盛陰虛則晝夜不得眠蓋夜以陰為主陰氣盛則目閉而卧安若陰爲陽所盛故終夜煩擾而不得眠也所謂陰虛則夜爭者是也汗出鼻乾不得卧則邪在表也若胃有燥屎與大熱錯語及大江胃中汁乾

而不得卧則為邪在裏也胃不和則卧不得安故健  
散熱和胃若汗吐下後虛煩不得眠又從梳手鼓  
以湧之至于少陰病熱煩于內而不得眠又宜扶陰  
散熱若熱後不得眠者則熱氣與諸陽相併陰氣未  
復也若汗下太過陽氣暴虛而不得眠者若無熱證  
又宜湯附湯以退陰復陽也此又不可不知

太陽病二三日不能卧但欲起心下結脈微弱者此  
本有寒今反下之若利止必結胸未止三四日復下  
必協熱而利結胸理中丸協熱而利白頭翁湯  
少陰利下欲而嘔渴心煩不得眠者猪苓湯此停水

也若三三日心煩不得眠黃連阿膠湯

病人小便不利大便乍難乍易時有微熱喘冒不能  
卧者有燥屎也大承氣湯

下之後復發汗晝則煩燥不得眠夜則安靜不嘔不  
渴無表裏證脈沉微身無大熱者乾姜附子湯

吐下汗後心中懊憹虛煩不得眠梔子豉湯陽勝陰  
則狂眠亂夢心煩之氣者酸棗湯陰勝陽則驚悸昏  
沉大熱乾嘔呻吟錯語不得眠犀角解毒湯中風汗  
出脈濡而弱厥而且實燥不得眠小建中湯煩燥竹  
葉石膏湯

疾後飲酒煩惡乾嘔口燥咽以錯語不得眠犀角解  
毒湯

### 發斑

大熱則傷血血熱不散更覺表虛熱氣乘虛出于皮  
膚而為斑也輕則為疹子甚則為錦紋或病本為濕  
誤投熱藥或當汗不汗當下不下或汗下未解皆能  
致此大抵有兩證一者溫病即春時發汗下不解邪  
氣不散故發斑也一者熱病即冬時溫煖垂足之氣  
遇春暄熱而發斑也不可誤汗若發其汗重令開泄  
更加斑爛也然而斑之方萌如蚊跡類焉發斑多見



下咽腹絞跡只在于手足陽脈洪大病人昏慣先紅後赤者斑也脈不洪大病入自靜先紅後黃者蚊跡也其或大便自利拂鬱氣短燥屎不通又如果實屬者雖虛弱復生亦不能施其功凡汗下不解燥悶咳嗽嘔吐足冷不溫便是發斑之候

溫毒發斑黑膏主之湯而心悶下利嘔吐下部有瘡或口瘡黃連楠皮湯葛根湯楠皮湯陽毒發斑狂顛妄言面赤咽痛身斑如錦下利赤黃升麻湯麥奴丸有下證調胃承氣湯

時氣發斑大青四物湯續命雞子湯

癩斑通用升麻湯犀角地黃湯

熱多者玄參升麻湯黃連一物湯青木香一物湯

凡赤斑五死一生黑斑不救

### 動氣

動氣者臟氣不調築築跳動隨臟所主而形見於脈之左右上下也難經各藏載之又言真氣內虛水結不散氣與相搏即發奔豚以其從氣循突如豚之奔皆不宜汗下然而獨不言脾當臍之有動氣者脾爲中州以行津液妄施汗下必先動脾是以不言而喻也左右上下不宜汗下何況中州之氣其敢輕動之

乎傷寒所以看外證爲當者蓋不在脈之可見必待  
問之可得發汗下其可輕舉哉

動氣通用理中湯去白朮加桂白朮燥腎閉氣故去  
之桂泄奔豚加之一法用柴胡桂枝湯亦良二方當  
看有熱無熱動氣在左發汗則頭暈汗下不止筋惕  
肉瞤爲逆先宜防風白朮牡蠣湯汗必與逆中湯動  
氣在右發汗則胸而渴心苦煩飲則吐先宜五苓散  
後與竹葉石膏湯

動氣在上發汗則氣上衝心桃根湯動氣在下發汗  
則心中大煩骨節疼痛目暈食入即吐先宜大橘皮

湯後與小建中湯動氣在左不可下下之則腹滿拘  
急身雖熱反欲券先宜甘草乾姜湯後與小建中湯  
動氣在左下之則津液竭咽乾鼻燥頭眩心悸宜竹  
葉石膏湯動氣在上下之則腹滿清穀心痞頭眩宜  
甘草瀉心湯

辨痢厥狐惑

痢厥屬厥陰病人素有寒妄發其汗或汗後身有熱  
又復汗之以致胃中虛冷視不欲食食即吐痢而身  
靜乍煩者痢或上而或下也重開食莫必出所以食  
即吐重也痢厥先用理中其次用烏梅丸若瀉下之

利不止用四逆湯

狐惑失靈皆用證也蓋腹中有熱入食無多腸胃空  
虛故三重求食而食人之五臟也其候四肢沉重惡  
聞食氣默默欲眠目不能閉噤齒晦面唇間赤白黑  
色變易無常重食下部爲狐下唇有瘡其咽乾重食  
其臟爲蠱上唇有瘡其聲啞治蠱通用桃仁湯黃連  
犀角湯雄黃鏡散無陽者用金液丹厥陰爲病消渴  
氣上衝心飢不欲食食即吐虵曰胃寒復有消渴之  
證蓋染其上焦而中焦則但寒無熱矣又有大便難  
一證並用理中湯加大黃入蜜少許微利之

百合病

百合者百脉一宗舉身皆受病無復所謂經絡傳次也大病虛勞之後臟腑不平變而成此其狀似寒無寒似熱無熱欲食不食欲臥不卧欲行不行口苦便赤藥入即吐利也其脉微數每尿則頭痛六七日愈頭痛者但漸漸然惡寒者四日愈若尿則快然但頭眩者二十日愈百合知母湯百合地黃湯滑石代赭湯雞子湯百合洗方可選用之

不仁

不仁謂不柔和也經曰諸虛承寒則為鬱冒不仁蓋

其血氣虛少不能週流於身是爲邪氣所伏故肌體  
頑麻不知痛痒寒過厥如尸而當且胃也設或脉浮  
而洪身汗如油喘而不休水漿不下形體不仁又此  
爲命絕也

經曰少陰脉不至腎氣微精血少寒氣上奔血結心  
下陽氣退下熱歸陰脈與陰相動人之身不仁此爲  
尸厥以鬱胃不仁爲可刺之而得瘳者實神醫之診  
也甘草乾姜湯桂枝芍藥湯加乾姜桂枝麻黃各半  
湯宜消息選用之

霍亂

霍亂者上吐下利，揮霍而撩亂者是也。邪在上焦吐而不利，邪在下焦則利而不吐，邪在中焦既吐且利。然胃氣為邪氣所傷，陰陽乖隔，遂上吐而利也。乃謂霍亂其餘，但稱吐利者，有以異也。故以乾霍亂死者，多濕霍亂死者，少吐利則所傷之物得以泄出，胃中水穀盡也。其證則有異焉。大便硬而氣短者，實也。下後而得嘔者，虛也。當詳究之。

太陽初得病，發汗不徹，併于陽明，續自微汗出，面色赤者，陽氣拂鬱也。解肌湯。

或汗久不徹，其脈浮緊，與麻黃湯。



小便不利時有微熱大便乍難拂鬱不得所此燥屎  
裏實也承氣湯主之

汗下後虛熱又復下之其人拂鬱復與之水因而成  
噦此胃中寒也桂枝人參湯加茯苓

證後昏沉

傷寒瘧後半月以來十餘日終不惺惺錯語少細或  
寒熱似瘧或潮熱頰赤醫以風溫治之非也是困  
汗不透寒熱在心包絡間也

瘧後昏沉不醒知母麻黃湯取微汗胃脘有熱  
而嘔竹葉石膏湯加生薑瀉心不已隔上有寒

光

發後從腹以下有水牡蠣澤瀉散

發後口暮微煩以其病方瘥強與穀食不消也損穀

損愈矣

傷寒四證類文出指掌圖

痰證

外證增寒壯熱惡風自汗胸滿氣上衝咽不得息  
身不疼項不強若涎多者亦隱惡頭疼脈有寸浮者  
亦有寸伏者以意察之柴胡半夏湯金沸草散大辛  
裏湯氣寸衝者瓜蒂散吐之

陽食

亦煩疼惡寒身熱但左手脉平和右手脉緊盛知爲  
食也大橘皮湯二陳湯心腹滿痛大柴胡湯之類  
瀉中吐瓜蒂散吐之

虛煩

諸虛煩熱與傷寒相似但不惡寒頭不眩身不痛爲  
異耳表既虛不可汗裏不實不可下叔和云虛煩有  
熱不可攻

瀉氣

傷寒傳足不傳手所以寒瀼之氣發于足則顛傷寒

其証頭疼身熱肢節痛大便便秘或嘔但初病時起于  
脚膝屈弱不能移動為其正感於寒所患必冷越婢  
小續命湯入生姜汁最妙感於暑所患是熱小續命  
去附子減桂一半脚腫木瓜散檳榔散大便秘脾約  
丸

小便自利

太陽身黃小便當不利今反自利其人如狂血證也  
誤當湯

傷寒有熱小腹滿應小便不利今反自利為有血也  
抵當丸下之尿血延胡索湯

延胡索

朴硝二兩

爲末每服四錢水一盞煎八分溫服

陽明自汗應小便不利而反自利津液內竭也屎雖  
硬不可攻宜蜜導煎猪膽汁法

少陰四逆小便自利虛寒也四逆湯及直棗湯去棗  
芩小便秘或赤知內有熱也小便自利其人如狂小  
腹滿知不爲熱乃蓄血也若陽明津竭自利與夫少  
陰自利乃胞寒不禁可不溫乎

熱入血室

婦人中風發熱惡寒經水週未得之七八日就除

身之涼膈勝清如結於大經之熱者為熱入血室也  
對期門隨其實而瀉之

婦人傷寒發熱經水適來晝日明了暮則譫語如是  
是狀此為熱入血室無犯胃氣及上中二焦必自愈  
婦人中風七八日續得寒熱發作經水適斷此為熱  
入血室其血必結故如癰狀小柴胡湯

陽明下血譫語此為熱入血室但頭汗出者則難治  
隨其實而瀉之熾然汗出而愈

婦人熱入血室有二經水適來二條不言藥者蓋以  
經血方來熱氣乘虛而入經血止則熱亦出矣故不

可用汗下藥犯其胃氣及上中焦如其胸滿者此  
因實也刺期門以瀉之若經水適斷續得矣其血  
凝結故用小柴胡湯若陽明熱入血室此男之穴經  
之證但當刺以瀉熱也